

45



卷之二十四

章奏

加挑陶莊引河

加幫童營內戲等工

修理運河排椿

建辛家蕩滾壩

恭請

閱河



修五堡土石堤工

加築清河堤工

建石礮濟運閘

建卞家汪石工

修談家莊月堤

加挑運料河

高堰分修議叙

高堰工竣

修桃源煙墩越堤

加幫車路口堤工

覆黃河石工

築韓尹二莊月堤

黃運兩河水勢

秋汛水勢情形

承追限期

指示善後機宜

河圖總說

代

題恭請

聖駕閱河

挑濬高郵河道

兵部尚書兼都察院右都御史總督河道提督軍務臣張鵬翮謹
題爲平成仰賴

宸謨引河著有成效謹陳末議以備採擇事康熙肆拾年玖月貳
拾貳日准工部咨開都水清吏司案呈工科抄出都察院左
都御史李枏題前事等因康熙肆拾年玖月初叁日題本月
拾貳日奉

旨這事情著張鵬翮速行詳議具奏該部知道欽此相應抄錄原
疏移咨總河知照可也爲此合咨前去查照施行計粘抄壹
紙內開都察院左都御史李枏

題爲平成仰賴

宸謨引河著有成效謹陳末議以備採擇事

皇上軫念淮揚疊罹水患

親幸河工指授方略不惜百萬金錢堅築高家堰必欲淮水之出將裴家場等處引河開濬深廣又

灼見淮水之不出者皆係黃水所阻若非逼令黃水北流止其倒灌淮水何得寬暢而出乃於清口相對黃河曲流處之陶庄直窵引河又於清口外黃河大溜處築挑水壩分引大溜歸入陶庄引河此誠我

皇上天授神智洞悉本源知捨此再無善策非一日矣近見河臣張鵬翮疏稱開放陶庄引河黃水北流隨奉

旨乘此時自范承勳所築挑水壩起寬長加築堤岸過清口又命張鵬翮將此事問知道的官員詳明定議益見我

皇上愛民之深憂民之切淮揚在

朝諸臣莫不感激涕零臣敢不據所聞爲我

皇上陳之陶庄引河既開之後務令斷不復淤方爲有濟築堤勢在難緩誠如

睿慮而河心水急沙虛一時恐難著力當於未築堤之先急商一

法以遏水勢臣衙門御史武進賢平日出言慎重偶向臣云
曾効力河工遇大風時目擊百餘糧艘阻於清口外啣尾停
泊黃水忽被逼而北由此觀之土人有用木筏之說似乎可
行夫木乃歲修所必需筏非波浪所能壞打散仍可撈取借
用不費帑金臣請聚木爲大筏聯以竹纜直接南北之壩分
爲數截可離可合風大暫泊兩岸風小仍結一處以鐵錨沉
水鉤定筏上安蓆蓬遊善識水性者居之晝夜巡守河工必
預貯椿木取之立辨其木堆積多層入水約可丈許將黃河
大溜永如

聖筭北流淮水自寬暢而出然後堤工可以次第舉行臣又聞古
人於大溜處築堤不就輒沉船以塞之其法每船用伍陸大
鐵鍋鍋底鑄鐵環中穿以木倒釘鍋於船底乃實船以土石
鑿之使沉鍋口陷入泥內則牢不可動黃河至深處不過貳
丈餘倘用木筏不能搏激大溜將廢壞之官船糧船沙嘴船
調齊兼如此法行之則目前黃河大溜之上下均被擋隔自
流入陶莊引河將來築堤即以此爲根脚較柳枝柴草最爲
堅固臣非謂此說必可行請

勅下河臣議築堤之外並商用筏用船二策酌其難易權其後先

導

旨速行則萬世攸賴矣抑臣更有請者陶莊引河雖黃河大溜一入即可刷令深廣但水性就下今引河不及黃河大溜之深夏秋兩汛落後焉能捨卑就高故土人謂黃河徙之使北不但河底宜深亦且河面宜廣臣思此河共用銀貳萬叁千兩有零若再加倍深廣其銀亦不過加倍而已大抵黃河之沙冬則堅固縱人工稍費易於施工今歲冬月或相其地勢機宜再加挑濬深廣亦一勞永逸之計也臣前隨

駕河干見我

皇上乘座小舟往來洪濤之上多方區畫備極焦勞救此百萬生靈今高堰已修陸壩已閉而收功於一著端不能踰此逼黃北徙之法用敢妄抒管見緣屬條陳河工事宜字多逾格貼黃難盡伏乞

御覽採擇施行爲此具本謹題請

旨等因移咨到臣准此該臣看得左都御史李柟疏稱陶莊引河既開之後務令斷不復淤築堤勢在難緩河心水急沙虛一時恐難著力請聚木爲大筏聯以竹纜直接南北之壩又聞古人於大溜處築堤不就輒沉船以塞之並商用筏用船二

策酌其難易權其後先等語臣集衆河官前往清口南北兩壩令汛官採量黃河水勢水深參肆丈餘不等水深溜急木筏難以存住又河底稀淤土虛鐵錨難以抓實鑿船沉鐵恐礙重運糧船行走且欽奉

特旨於范承勳所築挑水壩至清口築寬長堤岍足以逼溜向北已經具

題請

旨立案似且不必用筏用船矣又疏稱陶莊引河不及黃河大溜之深焉能捨卑就高臣思此河共用銀貳萬叁千兩有零再

加倍深廣其銀亦不過加倍而已今歲冬月相其地勢機宜

再加挑濬深廣等語應如所

題再加挑濬深廣恭候

聖裁訓示以便

題估挑濬緣係遵

旨議奏事理臣謹具疏

題覆伏乞

皇上睿鑒施行等因康熙肆拾年拾月初貳日題本月拾捌日奉旨該部知道欽此欽遵於拾月拾玖日抄出到部該臣等議得先

經左都御史李柟以陶莊引河既開之後務令斷不復淤築堤勢在難緩河心水急沙虛一時恐難着力請聚木爲大筏聯以竹纜直接南北之壩又聞古人於大溜處築堤不就輒沉船以塞之應商用筏用船二策又陶莊引河不及黃河大溜之深焉能捨卑就高請再加挑濬深廣等因具題奉

旨這事情著張鵬翮速行詳議具奏該部知道欽遵行文去後今

據河道總督張鵬翮疏稱臣集衆河官前往清口南北兩壩令汛官探量黃河水勢水深叁肆丈餘不等水深溜急木筏難以存住又河底稀淤土虛鐵錨難以抓實鑿船沉鐵恐礙

重運糧船行走且欽奉

特旨於范承勳所築挑水壩至清口築寬長堤岍足以逼溜向北

似不必用筏用船其陶莊引河應再加挑濬深廣等因前來查該督既稱水深溜急木筏難以存住鑿船沉鐵恐礙重運糧船行走將挑水壩加築寬長足以逼溜向北不必用筏用船其陶莊引河應再加挑濬深廣等語應均如所題將所需錢糧該督確估具題可也康熙肆拾年拾壹月初肆日題本月初陸日奉

旨依議速行欽此欽遵抄出到部移咨到臣准此又於康熙肆拾

年拾壹月貳拾日准工部咨爲恭報秋汛水勢情形事都水清吏司案呈奉本部送工科抄出該本部覆河道總督張鵬翮題前事等因康熙肆拾年拾月初壹日題本月拾捌日奉旨該部知道欽此欽遵於拾月拾玖日抄出到部該臣等議得河道總督張鵬翮疏稱今年秋汛水勢黃河自徐州以至海口共長水滌尺肆寸捌尺滌寸玖尺玖寸不等然皆隨長隨消兩岸險工俱各平穩湖水蓄長高家堰加謹防守俱獲平穩清口暢流淮水依然會黃入海並無倒灌又運河自挑濬之後清水衝刷寬深加以人字涇澗等河宣洩有路兩岸工程

俱屬平穩馬家港東壩達古禮等所修埽工已過壹年盡行淌去姜逢彩等所築東壩堤工刷卸肆丈但馬家港係奉部文暫留口門以洩黃水令汛官作速裹護堤頭以防汕刷高澗大壩裏戩柴工墊陷飭該道廳嚴催分修撫臣高承爵之弟高蔭爵作速修築陶莊引河開放之後水勢暢流嗣因黃水消落中段淤墊見令承挑人員再加挑濬俟來春挑汛水長開放衝刷等因前來查先經該督將馬家港口門留洩黃河之水等因具題經九卿會議覆准暫留在案應將馬家港淌去東壩埽工刷卸堤工令汛官作速裹護堤頭以防汕刷

其墊陷高澗大壩裏戩并陶莊引河中段淤墊之處俱責令
原承築承挑人員速行挑築完工報部可也康熙肆拾年拾
壹月初捌日題本月初拾日奉

旨依議速行欽此欽遵抄出到部移咨到臣准此隨行淮徐淮揚
貳道遵照確估併催將中段淤墊之處作速挑挖去後今據
淮徐道副使施世綸淮揚道叅議王謙詳據山清外河同知
南夢班徐屬河務同知李梅呈稱陶莊引河應再加挑濬深
廣蒙總河部院具

題部議應如所題將所需錢糧確估具題又陶莊引河中段淤
墊之處責令原承挑人員速挑完工報部等因奉

旨依議速行欽遵在案卑職接蒙檄行親詣該工會同確勘估計
但查從前挑河積土緊堆南岍必須先將積土盡行運送北
岸挑至平地方能施工其運送積土夫工需銀陸千伍百貳
拾貳兩陸錢貳分今估加挑新河身貳拾丈計需用土方埽
料銀壹萬貳千叁百肆拾貳兩柒錢捌分委無浮冒又陶家
莊引河中段淤墊之處遵奉院行催令原挑人員速行挑挖
去後續經少詹事邵遠平呈稱陶莊引河淤墊中段自當遵
照挑濬但職等素來不諳河務情願各照所淤尺寸竭力捐

贊交該管河官挑挖庶要工不致遲悞等因呈院批道確估轉行到職該卑職查得陶莊引河各學院學道捐挑引河原長柒百捌拾丈開放過行河頭河尾匯入黃河長壹百伍拾貳丈見今淤墊中段工長陸百貳拾捌丈亟應加挑寬深以備開放需用土方埽料銀壹萬叁千貳拾伍兩陸錢貳分若俟各官措銀賠挑緩不濟事應先動帑挑挖完日於原挑學道史陸輿等名下催補還項今照各員原挑工段丈估內原任福建學道史陸輿應還銀肆百玖拾貳兩陸錢捌分原任直隸學院朱阜應還銀肆千捌百伍兩陸錢原任陝西學道

高爾公應還銀肆千貳百兩陸錢原任少詹事邵遠平應還銀壹千柒百叁拾柒兩叁錢原任湖廣學道岳宏譽應還銀壹千柒百捌拾玖兩肆錢肆分見在工邵遠平等一面催令照數繳還庫項惟已故學道高爾公應還銀兩移咨江寧撫院轉行原籍追解還項內有河兵挑挖土方值銀壹千壹百捌拾壹兩玖錢陸分自應扣除無庸動帑合併聲明等因到道據此該本道等查得陶家莊引河應再加挑濬深廣蒙本部院具

題部議應如所題將所需錢糧確估具題又陶莊引河中段淤

墊責令原挑人員挑完報部等因奉

旨依

議速行欽遵在案本道接奉院行當即檄飭該廳等查丈估計去後今據外河同知南夢班等呈稱查從前挑河積土堆貯南岸必須先將積土盡行運送北岸挑至平地方能施工需用夫工銀陸千伍百貳拾貳兩陸錢貳分加挑新河身貳拾丈估用土方埽料銀壹萬貳千叁百肆拾貳兩柒錢捌分委無浮冒其陶家莊引河中改淤墊之處遵奉部行催令原挑人員挑完續經少詹事邵遠平等呈稱陶莊引河淤墊中改自應遵照挑濬但職等不諳河務情願各照所淤尺寸竭

力捐貲交河員挑完等因蒙批確估在案卑職等親行文估引河原長柒百捌拾丈開放進行河頭河尾匯入黃河長壹百伍拾貳丈見今淤墊中段長陸百貳拾捌丈亟應加挑寬深以備開放需用土方埽料銀壹萬叁千貳拾伍兩陸錢貳分係緊要工程若俟原挑官措銀賠挑緩不濟事應先動帑銀挑完完日於原挑官邵遠平等名下催補還項今照各員原挑工段細加丈估內原任福建學道史陸興應還銀肆百玖拾貳兩陸錢捌分原任直隸學院朱阜應還銀肆千捌百伍兩陸錢原任陝西學道高爾公應還銀肆千貳百兩陸錢

原任少詹事邵遠平應還銀壹千柒百叁拾柒兩叁錢原任湖廣學道岳宏譽應還銀壹千柒百捌拾玖兩肆錢肆分見在工邵遠平等一面催令照數繳還庫項惟已故學道高爾公應還銀兩移咨江寧撫院轉行原籍追解還項內有河兵挑挖土方值銀壹千壹百捌拾壹兩玖錢陸分自應扣除無庸動帑合併聲明等因前來相應轉詳等因到臣據此該臣看得陶莊引河應再加挑濬深廣經臣具

題部議應如所題將所需錢糧確估具題又陶莊引河中段淤墊之處部議責令原挑人員速挑完工報部等因俱奉

旨依議速行欽遵在案行據淮徐道副使施世綸淮揚道叅議王

謙詳稱陶莊引河從前挑河積土堆貯南岸今估加挑新河身貳拾丈必須先將積土盡行運送北岸挑至平地方能施工其運送積土需用夫工銀陸千伍百貳拾貳兩陸錢貳分加挑河身貳拾丈需用土方埽料銀壹萬貳千叁百肆拾貳兩柒錢捌分其陶莊引河中段淤墊之處計長陸百貳拾捌丈需用土方埽料銀壹萬叁千貳拾伍兩陸錢貳分奉部文責令原挑官速挑完工但係緊要工程若俟原挑官措銀賠挑緩不濟事應先動帑挑挖完日於原挑官邵遠平等名下

照數追取還項內有學道高爾公病故應移咨江寧巡撫轉行原籍地方官催追解還清項等因前來臣覆覈無異不另請撥錢糧除加挑河身并運送積土動支歸仁堤節省銀兩引河中段淤墊之處動支周銓元等捐助銀兩給發外河同知南夢班等乘時速挑准徐道施世綸准揚道王謙監工督催并原冊送部查覈外相應具疏

題估伏乞

皇上睿鑒勅部議覆施行等因康熙肆拾年拾貳月初柒日題本月貳拾壹日奉

旨該部速議具奏欽此欽遵於拾貳月貳拾貳日抄出到部該臣

等議得先經河道總督張鵬翮將陶莊引河應再加挑濬深廣又原挑引河中段淤墊等因具題臣部以陶莊引河該督既稱應再加挑濬深廣應如所題將所需錢糧確估具題其引河中段淤墊之處責令原承挑人員速行挑完等因題覆行文去後今據該督疏稱陶莊引河從前挑河積土堆貯南岸今估加挑新河必須先將積土盡行運送北岸挑至平地方能施工運送積土需用夫工銀陸千伍百貳拾貳兩陸錢貳分加挑河身估銀壹萬貳千叁百肆拾貳兩柒錢捌分其

引河中段淤墊之處估銀壹萬叁千貳拾伍兩陸錢貳分係
緊要工程若俟原挑官措銀賠挑緩不濟事應先動帑挑完
完日於原挑官邵遠平等名下照數追取還項其工程令外
河同知南夢班等乘時速挑等因前來查陶莊引河加挑既
經該督估計具題應如所題速行挑完其舊引河中段淤墊
之處既稱先動帑銀挑完亦應如所題動支速行挑完工完
將用過錢糧覈減造冊題銷一面於原挑各官名下追還原
項可也康熙肆拾壹年正月拾捌日題本月拾玖日奉

旨依議速行欽此欽遵抄出到部移咨到臣准此當即檄行該道

備挑工完覈減冊詳去後今據淮揚道叅議王謙署淮徐道
事准揚道王謙造冊詳銷等因到臣據此該臣看得陶莊引
河南岸積土挑去加挑深廣并中段淤墊之處動帑挑完經
臣
題估部議應如所題挑完其舊引河中段淤墊之處用過錢糧
覈減造冊題銷於原挑各官名下追還原項等因奉

旨依議速行欽遵在案今據淮揚道叅議王謙等詳稱查得原挑
陶莊引河南岸積土長伍百玖拾丈運送北岸原估土方銀
陸千伍百貳拾貳兩陸錢貳分今工完覈減實用銀伍千捌

百柒拾兩叁錢伍分捌釐節省銀陸百伍拾貳兩貳錢陸分
貳釐又南岸積土之下加挑新河長伍百玖拾捌丈原估土
方料物銀壹萬貳千叁百肆拾貳兩柒錢捌分令工完覈減
實用銀壹萬壹千壹百零捌兩伍錢陸分貳釐節省銀壹千
貳百叁拾肆兩貳錢壹分捌釐其各學院道原捐挑引河中
段淤墊工長陸百貳拾捌丈乃屬新淤沙陷人力難施照估
實用銀壹萬叁千貳拾伍兩陸錢貳分內有兵挑河土值銀
壹千壹百捌拾壹兩玖錢陸釐扣存在庫留爲節省並無浮
冒查中段淤墊估用銀兩原奉部文於原挑各官名下催補

還項除邵遠平應還銀壹千柒百叁拾柒兩叁錢已經照數
繳還河庫其原任福建學道史陸輿江南人應賠銀肆百玖
拾貳兩陸錢捌分原任順天學院朱阜浙江人應賠銀肆千
捌百伍兩陸錢已故原任陝西學道高爾公江南人應賠銀
肆千貳百兩陸錢原任湖廣學道岳宏譽江南人應賠銀壹
千柒百捌拾玖兩肆錢肆分尚未完交應交該省巡撫於各
學院道原籍照追還項等因冊詳前來臣覆覈無異除原冊
送部查覈外相應

皇上勅部議覆覈銷施行等因康熙肆拾壹年閏陸月貳拾陸日
題柒月拾伍日奉

旨著察覈該部知道欽此欽遵於柒月拾陸日抄出到部該臣等
議得河道總督張鵬翮疏稱加挑陶莊引河原估銀壹萬捌
千捌百陸拾伍兩肆錢今實用銀壹萬陸千玖百柒拾捌兩
玖錢貳分節省銀壹千捌百捌拾陸兩肆錢捌分又舊引河
中段淤墊挑挖原估銀壹萬叁千貳拾伍兩陸錢貳分內有
兵挑河土值銀壹千壹百捌拾壹兩玖錢零扣存在庫至淤
墊估用銀兩原奉部文於原挑官名下補還此內邵遠平應
追銀壹千柒百叁拾柒兩叁錢已經繳庫其史陸輿等應賠
銀壹萬壹千貳百捌拾捌兩叁錢貳分尚未完交應行該省
巡撫於原籍照追還項等因前來應將前項挑河用過銀兩
准其開銷節省銀兩貯庫爲河工之用其用過挑挖淤墊原
任學道史陸輿等未完銀兩應行各該省巡撫照例勒追還
項可也康熙肆拾壹年捌月初伍日題本月拾壹日奉

旨依議

兵部尚書兼都察院右都御史總督河道提督軍務臣張鵬翮謹

題爲估計加幫要工事據淮揚道叅議王謙詳據外河同知南

夢班呈稱該卑職查得山陽黃河南岸童家營大壩原築工
長壹百柒拾捌丈於康熙叁拾陸年間堵塞合龍歷經肆載
壩外黃水迎溜頂衝壩內積水深潭壩身內陡高壹丈伍陸
尺埽箇年久朽爛塌卸壩身單薄每遇風浪一作內外受敵
雖堤外每年歲修下埽塘護俱皆浮沙實難抵禦急應加幫
裹戩以資捍禦計工長壹百伍拾伍丈估用土方埽料銀壹
萬伍千肆百貳拾柒兩肆錢叁分捌釐又山陽黃河南岸洪

福莊堤工外坦原有淤灘離河尚遠近因溜走南岸將灘衝去而外坦塌卸竟成新險急應稟首幫餉計工長貳百丈估用土方銀壹千玖百柒拾陸兩玖錢柒釐又清河南岸吳城堤工因唐埂諸壩堵閉全湖淮水北注該工外係黃河內係湖水中僅一線孤堤每遇南風浪刷致將裏陡撞塌伍陸柒捌玖尺以至壹丈伍陸柒捌玖尺不等甚屬危險急應加幫裏陡計工長壹千柒百捌拾捌丈壹尺陸寸估用土方銀貳千玖百陸拾陸兩捌錢貳分玖釐叁絲以上堤工叁段均關緊要加幫實不容緩所估錢糧俱無浮冒相應造冊詳

送伏乞詳請

題估作速幫築等因又據山安同知來陳佩詳稱山陽黃河南

岫西坎堤工坐當迎溜掃灣兼之對岸新生沙嘴逼黃溜直射南岫堤面日漸塌卸堤內急須幫築裏餉方資捍禦計工長叁百玖拾伍丈共估土方埽料銀壹千柒百伍拾玖兩壹錢伍分陸釐所估錢糧減而又減委無浮冒相應造冊詳請題估等情到道據此該准揚道叅議王謙看得山陽黃河南岸

童家營大壩洪福莊西坎叁處堤工地居黃河下流俱係頂衝掃灣之處舊埽腐朽堤工單薄清河南岸吳城縷堤壹工

外黃內湖中僅一線孤堤每日湖水撞刷裏陡塌卸急應加幫內戩以資捍禦以上肆處堤工共長貳千伍百叁拾捌丈壹尺陸寸共估土方埽料銀貳萬貳千壹百叁拾兩叁錢叁分叁絲既據該廳造冊詳估前來本道覆覈並無浮冒相應照造清冊詳請具

題

發帑修築一律完固用資捍禦等因到臣據此該臣看得童家營大壩外係黃河頂衝內係積水深潭埽筒朽爛壩身單薄應幫內戩土堤以資捍禦計工長壹百伍拾伍丈估用土方埽料銀壹萬伍千肆百貳拾柒兩肆錢叁分捌釐洪福莊

堤工因溜走南岸外坦塌卸應幫裏戩工長貳百丈估計土方銀壹千玖百柒拾陸兩玖錢柒釐吳城縷堤內湖外黃中僅一線孤堤湖水浪刷裏陡塌卸急應作速加幫計工長壹千柒百捌拾捌丈壹尺陸寸估用土方銀貳千玖百陸拾陸兩捌錢貳分玖釐叁絲西坎堤工坐當迎溜掃灣堤面日漸塌卸堤內急須幫戩計工長叁百玖拾伍丈共估土方埽料銀壹千柒百伍拾玖兩壹錢伍分陸釐以上肆處堤工共長貳千伍百叁拾捌丈壹尺陸寸共估土方埽料銀貳萬貳千壹百叁拾兩叁錢叁分叁絲並無浮冒等因造冊詳估前來

臣覆覈無異不另請撥錢糧動支武家墩石工椿木節省銀壹千捌百捌拾叁兩捌錢貳分武家墩石工扣存銀貳萬貳百肆拾陸兩伍錢壹分零應用再查黃河兩岸工程前估修防此肆處堤工尚未如此危險臣從節省錢糧起見故未彙入前案具

題 今因黃淮合流水盛刷堤修防驟要勢不可已除原冊送部查覈外相應具

題 伏乞

皇上睿鑒勅部議覆施行等因康熙肆拾年拾月初柒日題本月

貳拾貳日奉

旨該部議奏欽此欽遵於拾月貳拾叁日抄出到部該臣等議得河道總督張鵬翮疏稱童家營大壩外係黃河頂衝內係積水深潭埽箇朽爛壩身單薄應幫內戩土堤洪福莊堤工因溜走南岸外坦塌卸應幫裏戩吳城綏堤內湖外黃中僅一線孤堤湖水浪刷裏陡塌卸急應加幫西坎堤工坐當迎溜掃灣堤面日漸塌卸急須幫戩共工長貳千伍百叁拾捌丈壹尺陸寸共估銀貳萬貳千壹百叁拾兩叁錢叁分零不另請錢糧動支武家墩節省等銀等因前來查童家營洪福莊

吳城西坎等處堤工該督既稱應加幫內餞等語均應如所
題速行乘時幫築工完之日將用過錢糧數減造冊題銷可
也康熙肆拾年拾壹月拾壹日題本月拾貳日奉

旨依議速行

兵部尚書兼都察院右都御史總督河道提督軍務臣張鵬翮謹

題爲修理淮揚運河排椿以固堤岍事該臣看得淮揚運河係
各省糧艘經由要道最關緊要向因黃水倒灌河底墊高一
遇水長盈堤溢岸前河臣于成龍於康熙叁拾捌年春發帑
委員蒞釘排椿內填龍尾小埽以衛堤工叁歷伏秋又值運
河大挑之後清水暢流兩岸泥土漸次衝刷排椿日見倒塌
亟應乘時修理以禦來年挑伏秋叁汛今據淮揚道叅議王
謙詳估淮屬山陽境內攬補排椿改鑲丁埽需用銀壹萬捌
千玖百陸拾玖兩捌錢肆分柒釐柒毫貳絲揚屬高郵寶應

江都參州縣境內攬椿換柴改築坦坡鑲柴壓土需用工料銀壹萬捌千玖百捌拾柒兩貳錢玖分陸釐通共估銀參萬柒千玖百伍拾柒兩壹錢肆分參釐柒毫貳絲並無浮冒等因造冊詳估前來臣覆覈無異不另請撥錢糧一面動支大挑運河節省銀壹萬玖千陸百貳拾捌兩柒錢伍分零武家墩石工椿木節省銀壹萬玖百貳拾叁兩叁錢貳分零盤收外河廳庫各官捐排椿銀肆千捌百肆拾貳兩叁錢陸分零裏河揚河各員追繳排椿銀貳千伍百陸拾貳兩柒錢壹分零令裏河同知王英謀揚河通判楊兆僑等作速購備料物

乘時續修以資捍禦竝原冊送部查覈外相應具疏

題估伏乞

皇上睿鑒勅部議覆施行等因康熙肆拾年拾月初捌日題本月

貳拾貳日奉

旨該部議奏欽此欽遵於拾月貳拾叁日抄出到部該臣等議得河道總督張鵬翮疏稱淮揚運河係糧艘經由要道最關緊要大批之後清水暢流兩岸泥土漸次衝刷排椿倒壞亟應乘時修理以禦來年桃伏秋叁汛淮屬山陽境內攬補排椿改鑲丁埽揚屬高寶江參州縣境內攬椿換柴執石工之處

拔起椿木改築坦坡鑲柴壓土共估銀參萬柒千玖百伍拾柒兩壹錢零不另請撥錢糧動支大批運河節省等銀購料備修等因前來查該督既稱准揚運河係糧艘經由要道應乘時修理等語應如所題修理完工之日將用過錢糧覈減造冊題銷可也康熙肆拾年拾壹月拾叁日題本月拾肆日奉

旨依議速行欽此欽遵抄出到部移咨到臣准此當即檄行該管道廳將運河排椿等工速行修理完工報銷去後今據淮揚河道叅議王謙造冊詳銷等因到臣據此該臣看得淮揚運河

係糧艘經由要道兩岸排椿倒壞應乘時修理經臣具疏

題估部覆准修奉

旨依議速行欽遵轉行在案今據淮揚河道叅議王謙詳稱山陽裏河兩岸補修排椿工段原估工料銀壹萬捌千玖百陸拾玖兩捌錢肆分柒厘柒毫貳絲今工完覈減實用銀壹萬柒千柒拾壹兩肆錢貳分叁厘節省銀壹千捌百玖拾捌兩肆錢貳分肆厘柒毫貳絲揚屬高寶江叁州縣運河兩岸攬椿換柴改築坦坡原估工料土方銀壹萬捌千玖百捌拾柒兩貳錢玖分陸厘今工完覈減實用銀壹萬柒千捌拾捌兩伍錢

陸分陸厘肆毫節省銀壹千捌百玖拾捌兩柒錢貳分玖厘陸毫通共實用銀叁萬肆千壹百伍拾玖兩玖錢捌分玖厘肆毫節省銀叁千柒百玖拾柒兩壹錢伍分肆厘叁毫貳絲並無浮冒等因冊詳前來臣覆覈無異除原冊送部查覈外相應

題銷伏乞

皇上勅部覈銷施行等因康熙肆拾壹年陸月初柒日題本月貳拾伍日奉

旨著察覈該部知道欽此欽遵於陸月貳拾陸日抄出到部該臣

等議得先經河道總督張鵬翮將山陽裏河兩岸補修排椿高寶江叁州縣運河兩岸攬椿換柴改築估銀叁萬柒千玖百伍拾柒兩壹錢零等因具題臣部覆准修理工完覈減造冊題銷在案今據該督疏稱實用銀叁萬肆千壹百伍拾玖兩玖錢捌分零節省銀叁千柒百玖拾柒兩壹錢伍分零並無浮冒等因前來查前項工程用過銀兩該督既稱並無浮冒等語應准開銷其節省銀兩冊內並未開明於某段工程節省應行該督詳明造冊送部再議可也康熙肆拾壹年閏陸月拾陸日題本月貳拾日奉

兵部尚書兼都察院右都御史總督河道提督軍務臣張鵬翮謹

題爲欽奉

上諭事康熙肆拾年柒月貳拾伍日准工部咨開本部等衙門會
覆河道總督張鵬翮題前事高堰地方關係甚要應令該督
委道廳官駐劄工所敬謹防守該督親身不時往來巡查毋
致危險再該督既稱留馬家港口門以分洩黃河之水卒家
蕩修滾水壩以洩黃河異漲之水開歸仁堤引河引水出黃
則泗州上源之水上無所入下有所疏泗州水患庶幾可減
等語應令該督將歸仁堤引河作速挑濬馬家港仍暫留口

門辛家蕩滾水壩速行修理等因奉

旨這堤岸修築防護著照議行欽遵移咨轉行在案隨行各道等
欽遵併催將辛家蕩滾水壩確估去後令據淮揚道叅議王
謙確估造冊詳報等因到臣據此該臣看得山陽縣黃河南
岸辛家蕩修建滾水壩以洩黃河異漲之水下流益暢則淮
水之出清口亦暢等因具

題九卿會覆速行修理奉

旨著照議行欽遵在案今據淮揚道叅議王謙詳估辛家蕩滾水
壩一座共該工料銀叁萬陸千叁百肆拾玖兩玖錢肆分捌

釐陸毫並無浮冒等因造冊詳送前來臣覆覈無異不另請
錢糧動支原任山旰通判靳治齊繳還會勘案內餘存大工
銀兩照數給發隨委山安同知裘陳佩領帑辦料興修委淮
揚道叅議王謙監工督催除原冊送部查覈外相應具疏

題估伏乞

皇上睿鑒勅部議覆施行等因康熙肆拾年拾壹月初伍日題本
月貳拾捌日奉

旨該部議奏欽此欽遵於拾壹月貳拾玖日抄出到部該臣等議
得先經河道總督張鵬翮將山陽縣黃河南岸辛家蕩應建

滾水壩一座以洩黃河異漲之水等因具題經九卿會議覆
准在案今據該督疏稱辛家蕩修建滾水壩共估工料銀叁
萬陸千叁百肆拾玖兩玖錢肆分零不另請錢糧動支原任
山旰通判靳治齊繳還會勘案內餘存大工銀兩給發辦料
興修等因前來查辛家蕩滾水壩既經該督估計具題應令
速行興砌工完之日將用過銀兩覈減造冊題銷可也康熙
肆拾年拾貳月初拾日題本月拾伍日奉

旨依議速行

兵部尚書兼都察院右都御史總督河道提督軍務臣張鵬翮謹

題爲河工仰賴

聖謨底績有慶恭祈

聖駕親幸閱視指授善後方畧以永保平成事伏惟我

皇上至仁如天大智若神勵精圖治中外晏安獨有河工一事尚

塵

聖懷宵旰憂勤

親臨閱視洞悉源委區畫精詳畀臣督河重寄臣本庸愚未諳河
務凡治河事宜一一仰遵

聖訓夙夜兢惕恒以弗獲欽承

聖訓是懼蒙我

皇上指授疏通海口乃得水有歸路黃河刷深

指授堅築高堰竝廣關清口乃得引淮水暢流而出

指授築歸仁堤導泗州上源之水入於河

指授疏人字芒稻等河引運河之水注之江

指授築挑水壩疏陶莊引河逼黃水而暢清流使永無倒灌之虞

指授挑蝦鬚等河引下河積水入於海其餘各處工程

指授周悉莫能殫述今黃運兩河水循故道漕運利涉民田樹藝

淮揚蒼生黃童白叟咸頌

皇上天授神智峻德豐功亘古莫比其盛但河工甫得就緒保固

更爲緊要其間尚有應修之處與善後之計微臣學識淺陋

罔知所指日夕兢兢恭祈

聖駕於來春貳月桃汛未發之前

親臨河工再賜

指授應修工程與善後方略俾臣知所遵循始終仰賴

聖訓永保安瀾克奏平成之績且東南臣民深受

皇恩戀

主之心實爲誠切顯望

翠華臨幸亦得慰瞻

天仰

聖之忱矣等因康熙肆拾年拾壹月貳拾陸日題康熙肆拾壹年

玖月拾陸日奉

旨這所奏知道了該部知道

兵部尚書兼都察院右都御史總督河道提督軍務臣張鵬翮謹

題爲估修要工以資保固事該臣看得歸仁堤五堡舊石工經

前任河臣于成龍等動帑委員修補石塊不足經臣於交代

案內查明

題追在案今高下不齊必須動帑補砌一律廢資捍禦又土堤

內戩原未估計幫築多有坍塌殘缺亦應幫築平整以資保

固今據淮徐道副使施世綸詳稱應修土堤長壹千玖百貳

拾玖丈捌尺并添補石塊貳共估用工料土方銀叁千捌百

壹拾柒兩貳錢叁分陸釐捌毫竝無浮冒等因冊詳前來臣

覆覈無異不另請撥錢糧除一面動支歸仁堤節省銀兩給發宿虹同知陳之琦等乘時修築准徐道副使施世綸監工督催並原冊送部查覈外相應具疏

題估伏乞

皇上勅部議覆施行等因康熙肆拾年拾貳月初柒日題本月貳拾壹日奉

旨該部議奏欽此欽遵於拾貳月貳拾貳日抄出到部該臣等議得河道總督張鵬翮疏稱歸仁堤五堡石工高下不齊必須補砌一律又土堤內戩原未估計幫築多有坍塌殘缺亦應

幫築共估用工料土方銀叁千捌百壹拾柒兩貳錢零動支歸仁堤節省銀兩給發宿虹同知陳之琦等修築等因前來查歸仁堤石工高下不齊之處該督既稱應補砌一律又土堤坍塌殘缺應行幫築等語應如所題准其動支歸仁堤節省銀兩速行修築工完之日將用過錢糧覈減造冊題銷可也康熙肆拾壹年貳月初柒日題本月拾叁日奉

旨依議速行欽此欽遵抄出到部移咨到臣准此當經檄行該道遵照速行修築去後今據署淮徐道事管理河庫兵部員外郎張弼造冊詳銷等因到臣據此該臣看得歸仁堤五堡石

工高下不齊必須補砌又土堤內戲多有坍塌殘缺亦應幫築經臣具

題估計部覆應如所題速行修築工完覈減造冊題銷等因奉旨依議速行欽遵轉行修築去後今據署淮徐道事管理河庫兵部員外郎張弼詳稱原估工料土方銀叁千捌百壹拾柒兩貳錢叁分陸厘捌毫今工完覈減實用銀叁千肆百叁拾伍兩捌錢伍厘陸毫節省銀叁百捌拾壹兩肆錢叁分壹厘貳毫竝無浮冒等因造冊詳銷前來臣覆覈無異除原冊送部查覈外相應

題銷伏乞

皇上勅部覈銷施行等因康熙肆拾壹年肆月拾捌日題伍月初

陸日奉

旨著察覈該部知道欽此欽遵於伍月初柒日抄出到部該臣等議得先經河道總督張鵬翮將修補歸仁堤五堡石工并幫築土堤估計具題臣部覆令速行修築工完覈減造冊題銷等因行文在案今據該督疏稱原估銀叁千捌百壹拾柒兩貳錢叁分零實用銀叁千肆百叁拾伍兩捌錢零節省銀叁百捌拾壹兩肆錢叁分零等因前來查欽奉

上諭事案內幫築堤工過河取土每方用銀壹錢伍分今每方用銀壹錢陸分以至壹錢玖分零不等比例浮多應行該督查明覈減具題到日再議可也康熙肆拾壹年陸月初壹日題本月初叁日奉

旨依議欽此欽遵抄出到部移咨到臣准此當經檄行該道遵照確核去後今據淮徐道僉事張弼詳稱歸仁堤加幫堤土用過銀兩俯照前冊准其開銷等情詳覆到臣據此該臣看得報銷歸仁堤土方工價部議核減當行該道確核今據淮徐道僉事張弼詳稱歸仁堤加幫戲工委員修築時兩邊皆係

水占搭橋墊路往返肆伍里之外取土照水工例估計屢經駁減方准銷銀壹錢陸分至壹錢玖分不等至宿邑境內從前並未有過河取土每方銀壹錢伍分之處且查康熙貳拾貳年內前河臣靳輔報銷歸仁堤大工堤土每方給銀壹錢柒捌分至貳錢叁肆分不等造冊

題銷部覆允准在案今本工請銷銀壹錢陸分至壹錢玖分較前更爲節省所有歸仁堤加幫堤土用過銀兩俯照原冊准銷等情前來臣覆核無異相應具疏

題覆伏乞

皇上勅部仍照原冊核銷施行等因康熙肆拾壹年柒月貳拾貳日題捌月拾壹日奉

旨該部知道欽此欽遵於捌月拾貳日抄出到部該臣等議得先經河道總督張鵬翮將修補歸仁堤五堡石工并幫築土堤用過銀兩題銷臣部以欽奉

上諭事案內築堤過河取土每方用銀壹錢伍分今每方用銀壹錢陸分至壹錢玖分零覆令核減具題去後今據該督疏稱歸仁堤加幫戩工委員修築時兩邊皆係水占搭橋取土每方用銀壹錢陸分至壹錢玖分不等且康熙貳拾貳年前河

臣靳輔報銷歸仁堤大工每方給銀壹錢柒捌分至貳錢叁肆分今每方給銀壹錢陸分至壹錢玖分較前更為節省請照原冊准銷等因前來查康熙貳拾貳年前河臣靳輔報銷歸仁堤大工冊開取土遠近不等每方牽給銀壹錢柒分貳厘今每方牽給銀壹錢捌分壹厘零較前每方多銀玖厘但該督既稱委員修築時兩邊皆係水占搭橋取土每方用銀壹錢陸分至壹錢玖分等語應將用過銀叁千肆百叁拾伍兩捌錢零准其開銷節省銀叁百捌拾壹兩肆錢叁分零貯庫為河工之用可也康熙肆拾壹年玖月初貳日題本月初肆

日奉

旨依議

兩蘓稷捐助銀壹千肆拾柒兩玖錢玖分貳釐給發外河同知南夢班等僱築速竣并原冊送部查覈外理合具疏

題估伏乞

皇上睿鑒勅部議覆施行等因康熙肆拾壹年貳月初拾日題本月貳拾陸日奉

旨該部速議具奏欽此欽遵於貳月貳拾柒日抄出到部該臣等議得河道總督張鵬翮疏稱清河縣陶莊閘奉

旨開挑引河南岸又有挑水壩溜入引河溜走北岸逼近黃河縷堤汕刷堪虞請於縷堤之內創築撐堤一道長叁百丈再將

縷堤及護縣堤頭卑矮之處加築高厚應幫堤工參段共長捌百柒拾壹丈伍尺須銀捌千壹百貳拾捌兩壹錢零又黃河南岸挑水壩坐當黃溜之中誠恐伏秋水大溢岸壩後不無侵灌之虞今自挑水壩西添築撐堤一道自壩基往南至縷堤止長叁百玖拾柒丈伍尺內有坑塘低窪之處下埽鑲填需銀貳千玖百壹拾玖兩柒錢零如此則挑水壩得以鞏固運道民生有賴以上共估計土方工料銀壹萬壹千肆拾柒兩玖錢零動支臨清關分司阿錫爵解到銀壹萬兩蘓稷捐助銀壹千肆拾柒兩玖錢零給發外河同知南夢班等備

兵部尚書兼都察院右都御史總督河道提督軍務臣張鵬翮謹

題爲請築撐堤加幫縷堤以資保固事該臣看得清河縣陶莊

閘奉

旨開挑引河南岸又有挑水壩挑溜北入引河溜走北岸逼近黃河縷堤汕刷堪虞臣率同道廳等官再四相度應於縷堤之內創築撐堤一道自三元廟西起至護縣堤止計長叁百丈以爲重門之障再將臨河縷堤及護縣堤頭卑矮之處加築高厚應幫堤工參段共長捌百柒拾壹丈伍尺連創築撐堤共需土方銀捌千壹百貳拾捌兩壹錢玖分肆釐又黃河南

岸挑水壩前接築寬長堤工俱已完竣但此壩坐當黃溜之中誠恐伏秋水大溢岸壩後不無侵灌之虞今議自挑水壩西添築撐堤一道自壩基往南至縷堤止計長參百玖拾柒丈伍尺內有坑塘低窪之處下埽鑲填共需土方料物銀貳千玖百壹拾玖兩柒錢玖分捌釐如此則挑水壩得以鞏固而運道民生均有攸賴以上南北兩岸撐堤縷堤創堤工程最關緊要共估土方工料銀壹萬壹千肆拾柒兩玖錢玖分貳釐行據准揚道造冊詳估並無浮冒前來臣覆覈無異不另請撥錢糧一面動支臨清關分司阿錫萬解到額外銀壹萬

築等因前來查該督既稱縷堤之內應築撐堤并加幫縷堤及護縣堤卑矮之處挑水壩西添築撐堤等語應均如所題速行趨時幫築堅固工完之日將用過錢糧覈減造冊題銷可也康熙肆拾壹年叁月初壹日題本月初貳日奉

旨依議速行

兵部尚書兼都察院右都御史總督河道提督軍務臣張鵬翮謹

題爲亟修閘座以利運道事該臣看得運口爲糧艘轉輸要道

初春運行之際在桃汛未發之前水尚未長漕運需水甚亟去歲於石礪築草壩開渠引三汊河之水以濟運糧艘得以通行至桃汛水發即行堵閉今臣率道廳等官再加相度與其每歲開閉需用錢糧不若建造石閘相時啟閉不獨於漕運有益且省每歲修築之費行擬淮揚道叅議王謙詳估工料銀貳萬叁千貳百捌兩捌錢陸分伍厘伍毫貳絲並無浮冒等因造具估冊前來臣覆覈無異不另請撥錢糧動支傳

挑王家營引河銀兩給發裏河同知王英謀等辦料興修委
淮揚道叅議王謙監工督催除原冊送部查覈外理合具

題伏乞

皇上睿鑒勅部議覆施行等因康熙肆拾壹年貳月貳拾柒日題
參月拾參日奉

旨該部議奏欽此欽遵於參月拾肆日抄出到部臣等議得河道
總督張鵬翮疏通運口爲糧艘轉輸要道初春運行之際在
桃汛未發之前水尚未長去歲於石礪築草壩開渠引三汊
河之水以濟運糧艘得以通行至桃汛水發即行堵閉今臣

率道廳等官再加相度與其每歲開閉需用錢糧不若建造
石閘相時啟閉於漕運有益且省每歲修築之費估銀貳萬
參千貳百捌兩捌錢零動支停挑王家營引河銀兩給發裏
河同知王英謀等辦料興修委淮揚道王謙監工等因前來
查該督既稱於石礪建造石閘相時啟閉於漕運有益且省
每歲修築之費等語應如所題准其建造石閘工完將用過
工料銀兩覈減造冊題銷可也康熙肆拾壹年參月貳拾捌
日題本月參拾日奉

旨依議

兵部尚書兼都察院右都御史總督河道提督軍務臣張鵬翮謹

題為亟請建砌石工以保運道民生事該臣看得清河縣黃河

南岸卞家汪險工長捌拾肆丈緊接清口迤東外當黃淮二
水交衝之區內臨積水深潭中僅一線土堤卑薄危險內外
受敵又天妃壩石工修砌年久內有坍塌貳段共長肆拾貳
丈每年下埽修防徒費錢糧不足以禦湍激之勢均應一律
攢砌石工以資鞏固今據淮揚道叅議王謙詳估卞家汪創
建石工估用工料銀壹萬捌千玖百壹拾捌兩叁錢柒分壹
釐天妃壩拆砌石工估用工料銀玖千貳百捌拾玖兩伍錢

伍分陸釐貳共估用銀貳萬捌千貳百柒兩玖錢貳分柒釐
並無浮冒造冊詳估前來臣覆覈無異不另請撥錢糧隨動
支高堰石工節省銀貳萬貳千貳百陸拾兩玖毫貳絲肆忽
改挑中河節省銀伍千玖百肆拾柒兩玖錢貳分陸釐柒絲
陸忽給發外河同知南夢班辦料興修淮揚道王謙監工督
催并原冊送部查覈外臣謹具

題伏乞

皇上睿鑒勅部議覆施行等因康熙肆拾壹年叁月拾肆日題本
月叁拾日奉

旨該部議奏欽此欽遵於肆月初壹日抄出到部該臣等議得河
道總督張鵬翮疏稱清河縣黃河南岸卞家汪險工捌拾肆
丈外當黃淮貳水交衝之區內臨積水深潭中僅一線土堤
卑薄危險內外受敵又天妃壩石工修砌年久內有坍塌貳
段共長肆拾貳丈每年下埽修防徒費錢糧不足以禦湍激
之勢均應一律償砌石工貳共估銀貳萬捌千貳百柒兩玖
錢貳分零動支高堰石工及改挑中河節省銀兩給發外河
同知南夢班等興修淮揚道王謙監工督催等因前來查該
督既稱卞家汪險工土堤卑薄危險內外受敵應創建石工

天妃壩石工坍塌貳段應行拆砌等語均應如所題作速建
砌完工之日將用過錢糧數減造冊題銷可也康熙肆拾壹
年肆月貳拾日題本月貳拾壹日奉

旨依議速行

兵部尚書兼都察院右都御史總督河道提督軍務臣張鵬翮謹

題爲建築月堤以保險工事該臣看得桃源談家莊險工黃溜

頂衝最爲險要每遇伏秋水發汕刷異常必應建築月堤以
爲重門保障又本工大溜下移壩尾河崖坍塌漸近堤根勢
必下埽防護應將壩尾堤工加幫寬厚以作埽臺今據署淮
徐道印務管理河庫兵部員外郎張弼詳估月堤工長陸百
壹拾陸丈並壩尾堤工長壹百貳拾丈共該土方銀伍千貳
百肆拾壹兩陸錢貳釐玖毫柒絲委無浮冒等因造冊前來
臣覆覈無異不另請撥錢糧動支改挑中河節省銀捌百貳

拾伍兩貳錢壹分柒釐柒毫伍絲壹忽伍微堵塞嵇家閘節
省銀肆千肆百壹拾陸兩叁錢捌分伍釐貳毫壹絲捌忽伍
微給發署桃源同知蘓稷等修築委郎中王進楫監工督催
并原冊送部查覈外相應具

題伏乞

皇上睿鑒勅部議覆施行等因康熙肆拾壹年叁月貳拾日題肆
月初伍日奉

旨工部速議具奏欽此欽遵於肆月初陸日抄出到部該臣等議
得河道總督張鵬翮疏稱桃源談家莊險工黃流頂衝最爲

險要每遇伏秋水發汕刷異常應建築月堤以爲重門保障
又本工大溜下移壩尾河崖坍塌漸近堤根勢必下塌防護
應將壩尾堤工加幫寬厚以作埽臺月堤工長陸百壹拾陸
丈壩尾堤工長壹百貳拾丈共估土方銀伍千貳百肆拾壹
兩陸錢零動支改挑中河并堵塞嵇家閘節省銀兩給發署
桃源同知蘇稷等修築委郎中王進楫監工督催等因前來
應如該督所題速行修築工完之日將用過錢糧覈減造冊
題銷可也康熙肆拾壹年肆月初捌日題本月初玖日奉

旨依議速行欽此欽遵抄出到部移咨到臣准此隨經檄行該道

遵照速行修築去後今據淮徐道僉事張弼詳稱談家庄月堤工完覈減造冊詳銷等因到臣據此該臣看得談家庄估築月堤加幫壩尾經臣

題估部覆應如所題修築工完覈減造冊題銷等因奉

旨依議速行欽遵在案今據淮徐道僉事張弼詳稱談家庄月堤工長陸百壹拾陸丈壩尾堤工長壹百貳拾丈原估土方銀伍千貳百肆拾壹兩陸錢貳釐玖毫柒絲今工完覈減實用銀肆千柒百壹拾柒兩肆錢肆分貳釐陸毫柒絲參忽節省銀伍百貳拾肆兩壹錢陸分貳毫玖絲柒忽委無浮冒造冊

詳銷前來臣覆覈無異除原冊送部查覈外相應具疏

題銷伏乞

皇上勅部覈銷施行等因康熙肆拾壹年拾壹月拾陸日題拾貳月初叁日奉

旨著察覈該部知道欽此欽遵於拾貳月初肆日抄出到部該臣等議得河道總督張鵬翮疏稱談家庄建築月堤并加幫壩尾原估銀伍千貳百肆拾壹兩陸錢零今工完實用銀肆千柒百壹拾柒兩肆錢零節省銀伍百貳拾肆兩壹錢零委無浮冒等因前來查前項建築月堤并加幫壩尾用過銀兩該

督既稱委無浮冒等語應准開銷節省銀兩貯庫為河工之用可也康熙肆拾壹年拾貳月拾陸日題本月拾捌日奉

旨依議

兵部尚書兼都察院右都御史總督河道提督軍務臣張鵬翮謹題為高堰工程已竣敬陳保堤未議仰祈

睿裁事竊照高堰運料小河原屬窄淺經尚書范承勳等具

題議以不動公帑以加幫大堤取土挑挖面寬捌丈底寬伍丈深伍尺以資運料以保堤工九卿議覆應如所奏等因奉

旨依議欽遵在案臣查此河南自周橋橫堤起北至武家墩止乃屬無源之水必借堤內積水匯流入河方克有濟今臣等會勘高堰工程竝查驗分修諸臣所捐挑運料小河雖報完工但小黃莊一帶地形低窪見今堤裏積水與河面相平若遇

風浪汕刷堤根深爲可虞蓋部臣初估時陸壩未閉一片皆水未得確實情形今工程已畢保固堤工最爲緊要公議將原挑小河再加挑深使積水洩流河中由武家墩鹽河出口以免汕刷堤土約需銀壹萬餘兩不另請撥發應將高堰大工節省銀兩動支濟用蚤爲峻工實與高堰工程深有裨益矣緣係保固要工起見臣謹具疏

題請伏乞

皇上睿裁施行等因康熙肆拾壹年伍月貳拾捌日題陸月貳拾伍日奉

旨這河著照該督所題挑濬應否永遠存留該督確議具奏該部知道欽此接工部移咨當行淮揚道叅議王謙淮徐道僉事張弼確議會詳到臣據此該臣看得高堰運料小河再加挑深使積水洩入河中由武家墩鹽河出口以免汕刷堤土與高堰工程深有裨益經臣具

題特奉

俞旨這河著照該督所題挑濬應否永遠存留該督確議具奏該部知道欽遵移咨到臣行據淮揚道叅議王謙淮徐道僉事張弼等議詳前來查高堰一帶堤根地形窪下積水浸汕堤

根難免坍卸之虞今若將運料小河再挑深通一以宣洩堤
根積水一以運送修工料物而且通商便民利益不淺或慮
土塘水洩偶致稍淤每俟春融令河兵撈浚草壩陸座每年
修葺以收束水勢應宜永遠存留以保堤利民隨擬該道等
估計共應挑新土壹拾陸萬陸千捌百壹拾捌方叁厘肆毫
肆絲叁忽每方銀玖分共銀壹萬伍千壹拾叁兩陸錢貳分
叁厘玖絲捌忽柒微估建草壩陸座共銀肆百伍拾叁兩壹
錢貳分通共銀壹萬伍千肆百陸拾陸兩柒錢肆分叁厘玖
絲捌忽柒微造具估冊一併呈詳臣覆加確核無異應動支

高堰大工節省銀兩委通判朱廷植等照估價挑修建淮揚
道叅議王謙監工督催并原冊送部查核外相應具

題伏乞

皇上睿鑒勅部議覆施行等因康熙肆拾壹年捌月初陸日題本
月貳拾肆日奉

旨工部議奏欽此欽遵於捌月貳拾伍日抄出到部該臣等議得
先經河道總督張鵬翮將高堰運料小河應再加挑深等因
具題奉

旨這河著照該督所題挑濬應否永遠存留該督確議具奏欽遵

行文去後今據該督疏稱高堰一帶堤根地形窪下積水浸
汕堤根難免坍塌卸之虞今若將運料小河再挑深通一以宣
洩堤根積水一以運送修工料物而且通商便民利益不淺
應宜永遠存留以保堤利民挑河并建束水草壩共估銀壹
萬伍千肆百陸拾陸兩柒錢零動支高堰大工節省銀兩委
通判朱廷植等備挑修建等因前來查該督既稱高堰一帶
堤根地勢窪下積水浸汕堤根應加運料小河再加挑深建
草壩束水永遠存留宣洩積水等語應動高堰大工節省銀
兩挑河建壩永遠存留以保堤工工完之日將用過錢糧核

減造冊題銷可也康熙肆拾壹年玖月拾肆日題本月拾陸
日奉

旨依議

兵部尚書兼都察院右都御史總督河道提督軍務臣張鵬翮謹

題為欽奉

上諭事康熙肆拾年拾月貳拾陸日准工部咨前事該臣看得高
家堰効力大臣官員等議叙一案准工部咨稱俟南河工完
總河查明具題到日再行議叙等因移咨到臣臣同總漕桑
格會勘工程已完另疏具

題外臣查部咨內原任巡撫王起元線一信金鉉衛既齊陳汝

罷宮夢仁原任左都御史董訥原任學士李應薦永定河捐
銀已完今在南河未捐銀親身効力領帑修工俱已全完原

任尚書王日藻原任總督朱弘祚永定河捐銀已完南河未捐銀領帑修小黃莊堤工壹段完竣原任巡撫江有良永定河捐銀已完南河未捐銀係差孫江夢筆領帑修小黃莊堤工壹段完竣又查檔案內原任侍郎楊雍建南河領帑承修小黃莊堤工壹段完竣又捐力銀伍千兩全完准其回籍原任總漕馬世濟南河未捐銀親身効力領帑修工俱已全完學道王式毅南河捐銀貳千兩學道陸鳴珂南河捐銀肆千兩學道姚淳燾南河捐銀叁千兩學道陸德元南河捐銀貳千兩學道劉謙吉南河捐銀貳千兩俱已全完俱親身効力

領帑承修高家堰工程全完江南學院張榕端南河捐銀捌千兩浙江學院張希良南河捐銀叁千兩浙江學院鄭開極南河捐銀壹千兩學道汪薇南河捐銀貳千兩侍讀學士史夔南河捐銀壹千兩俱已全完俱在高家堰防險効力原任布政使王毓賢南河捐銀伍千兩全完領銀承挑裴家場引河工程全完原任少詹事前學道邵遠平南河捐銀叁千兩全完領銀承築挑水壩工程全完又分挑陶莊引河工完復淤應賠銀壹千柒百叁拾柒兩叁錢零亦已交完學道王瑄南河捐銀叁千兩全完分挑陶莊引河工完學道史陸輿南

河捐銀貳千兩全完領帑承修高堰工程全完又分批陶莊引河工完復淤應賠銀肆百玖拾貳兩陸錢零未完學道岳宏譽南河捐銀貳千兩全完領帑承修高堰工程全完又分批陶莊引河工完復淤應賠銀壹千柒百捌拾玖兩肆錢零尚未完交學院朱阜南河捐銀伍千兩全完分批陶莊引河工完復淤應賠銀肆千捌百伍兩陸錢零未完學道高爾公南河捐銀貳千兩全完分批陶莊引河工完復淤應賠銀肆千貳百兩陸錢零高爾公今已病故行原籍追銀尚未完交原任同知連璧在南河捐銀叁千兩全完領帑承修車邏滾

水大壩工程全完原任鄭襄道蔣興苞南河捐銀肆千兩全完見在工効力同知蘓稷南河捐銀貳千兩全完見在工効力河南開歸守道周銓元南河捐銀伍千兩全完未到工効力知府蕭星拱同知李梅通判朱廷植胡琪邊聲威原任同知鄧之琮常維楨劉光業羅京原任通判孫調鳳縣丞翁煜守備夏景松各領帑協修高堰等處工程趨事効力俱各全完員外郎王登魁通判甯維邦領帑堵塞茆家園夏家橋貳壩堅固全完如此險要工程盡心僨堵勞績宜叙陞任淮徐道副使施世綸管理高堰工程錢糧出納清楚淮揚道叅議

王謙保守高堰工程竭蹶趨事理合一併叙明聽候部議解
任巡撫高承爵領帑承修高澗工程壹段內有茶拾丈墊陷
奉

旨著自往河工修理見在修理尚未完工再查檔案內雖有捐力
學道左峴完銀肆千兩莊朝生完銀叁千兩王邨完銀貳千
兩吳自肅丘園卜張光勇各完銀壹千兩但久已回籍並未
在工効力無勞績可叙原任知縣金玉璧捐銀貳千兩未完
咨部移該旗都統行追尚未完交相應具

題伏乞

皇上睿鑒勅部議覆施行

兵部尚書兼都察院右都御史總督河道提督軍務臣張鵬翮謹

題爲

題報高家堰工程完竣事康熙肆拾壹年貳月拾貳日准工部
咨開都水清吏司案呈奉本部送工科抄出該本部覆河道
總督張鵬翮題前事等因康熙肆拾年拾壹月貳拾伍日題
拾貳月拾貳日奉

旨該部知道欽此欽遵於拾貳月拾叁日抄出到部該臣等議得

河道總督張鵬翮疏稱高堰堤工部臣范承勳等分爲叁段
修築先築小黃莊至周橋壹段已經部臣奏報在案迨後奉

旨命臣督催臣逐段督催目擊分修臣原任巡撫王起元線一信
金鉉陳汝器宮夢仁原任學士李應薦原任總督馬世濟等
親任工所盡心修築効力學道陸鳴珂等協修廳員李梅等
亦皆急公趨事陸續將周橋至棠梨樹武家墩至小黃莊臨
湖簾柴加幫裏戩工程各照段俱報完工又續題准修之秦
家高岡新大墩等處堤工亦俱報全完查部臣范承勳等原
題疏內有工竣會同總漕交與總河責令經防官照例保護
搶修等語今工程已完應會同總漕臣查勘收工令經防官
照例保固用過錢糧俟覈實造冊題銷等因前來查高堰小

黃莊等處臨湖簾柴加幫裏戩并秦家高岡等處堤工既經
報完應令總河會同總漕查勘如果工程如式堅固以收工
之日起令地方經防官照例保護搶修高家堰關係緊要應
令該督時時督率道員等官巡查毋致踈虞至用過錢糧該
督應作速覈明造冊具題可也康熙肆拾壹年正月貳拾捌
日題貳月初貳日奉

旨依議速行欽此欽遵抄出到部等因移咨到臣准此當經檄行
淮揚淮徐貳道叅議王謙署淮徐道事管理河庫兵部員外
郎張弼造冊詳送覈

題等因到臣據此該臣看得高堰小黃莊等處臨湖鑲柴加幫裏餞并秦家高岡等處堤工完竣經臣

題報部議令臣會同總漕查勘收工照例保護至用過錢糧作速覈明造冊具題等因奉

旨依議速行欽遵在案除會同總漕臣桑格查勘已經會疏

題報外所有用過錢糧行據准揚道叅議王謙署准徐道事管

理河庫兵部員外郎張弼詳稱部撥高堰大工銀壹百貳拾捌萬伍千肆百肆拾玖兩自小黃莊起至周橋止加幫內餞工長伍千陸百壹丈玖尺陸寸共用土方埽料銀壹拾捌萬

玖千貳百陸拾壹兩肆錢肆分陸厘壹毫叁絲玖忽陸微臨湖鑲柴共用銀叁萬柒千肆百陸拾玖兩叁錢玖分肆厘貳毫陸絲又龍門壩工續

題鑲柴壹路共用銀壹千壹百柒兩捌錢肆分肆厘肆毫又自

武家墩起至小黃莊止加幫內餞工長陸千伍百叁拾伍丈貳尺共用土方埽料銀貳拾萬伍千肆百陸拾陸兩捌錢肆分玖厘貳毫柒絲叁忽伍微壹纖臨湖鑲柴共用銀肆萬捌千捌拾伍兩肆錢玖厘又自周橋起至棠梨樹止加幫內餞工長貳千玖百肆拾壹丈陸尺柒寸共用土方埽料銀壹拾

壹萬陸千壹百叁拾肆兩柒錢陸分伍釐伍毫捌絲玖忽臨
湖鑲柴共用銀貳萬柒千叁百柒拾陸兩肆錢陸分陸釐叁
毫陸絲捌忽以上叁工通共用過銀陸拾貳萬肆千玖百貳
兩壹錢柒分伍釐叁絲壹微壹纖內有高澗大壩餞工柒拾
丈估銀貳千貳百貳拾捌兩伍錢貳分分修解任巡撫高承
爵現在修補尚未完竣俟工完之日驗明另行

題

銷今實銷銀陸拾貳萬貳千陸百柒拾叁兩陸錢伍分伍釐
叁絲壹微壹纖較比前估節省銀陸拾陸萬伍百肆拾陸兩
捌錢貳分肆釐玖毫陸絲玖忽捌微玖纖又

題

准加高柴工自武家墩起至棠梨樹止工長壹萬肆千玖百
捌拾壹丈貳尺叁寸估用銀貳萬玖千叁百叁拾壹兩壹分
肆釐柒毫貳絲內有分修原任總漕馬世濟高堰大壩加鑲
柴工內節省銀肆百肆拾玖兩捌錢捌分又因林格等石工
倒塌牽卸柴工應追銀捌百肆拾肆兩玖錢玖分貳釐鄧之
琮透領銀壹百壹拾捌兩叁錢貳分已經繳庫實用銀貳萬
柒千玖百壹拾柒兩捌錢貳分貳釐柒毫貳絲又天然壩南
起至秦家高岡止一律鑲柴工長捌百玖拾肆丈估用土方
柒束銀壹萬玖百陸拾叁兩伍錢伍分捌釐貳毫壹絲內節

省銀壹千陸拾捌兩伍錢柒釐貳毫貳絲尚未繳庫實用銀
玖千捌百玖拾伍兩伍分玖毫玖絲又武家墩山陽交界起
至清河運口裴家場口門止臨湖簽釘排椿并加幫創築堤
工長壹千貳百柒拾貳丈估用土方工料銀貳萬壹千捌百
壹拾柒兩捌錢玖分柒釐叁毫內節省銀壹千壹百貳拾肆
兩柒分柒釐伍絲已經繳庫實用銀貳萬陸百玖拾叁兩捌
錢貳分貳毫伍絲又估築高澗清水潭越堤工長玖拾陸丈
實用銀玖千叁百伍拾捌兩柒錢貳分捌釐貳毫伍絲應於
原任巡撫江有良衛既齊家屬追還又高澗大壩內創築越

堤工長貳百伍丈伍尺實用銀玖千肆百肆拾肆兩捌分柒
釐伍毫以上伍工實應銷銀柒萬柒千叁百玖兩伍錢玖釐
柒毫壹絲查無浮冒相應造冊報銷再查自古溝南起至林
家西止創建石工續經改估止需銀貳拾萬貳千壹百捌兩
柒錢貳分捌釐陸毫肆絲前發過銀貳拾萬柒千壹百叁拾
玖兩叁錢叁分陸釐捌毫肆絲計透領銀伍千叁拾兩陸錢
捌釐貳毫見在催繳又高澗大壩密釘排椿丁下埽個原估
銀壹萬貳千伍百伍拾兩叁錢陸分陸釐發過銀壹萬壹千
貳百玖拾伍兩叁錢肆分又補修高堰大壩并六安溝倒卸

石工原估銀壹萬陸千貳百肆兩柒錢壹分肆釐肆毫捌絲
發過銀壹萬伍百兩又補修高澗汛未完層次石工原估銀
玖千貳拾壹兩肆錢壹分陸釐貳毫捌絲發過銀捌千壹百
壹拾貳兩壹錢柒分玖釐伍毫叁絲伍忽叁微玖纖又加高
龍門壩卑矮石工原估銀伍千伍百叁拾玖兩陸錢陸分玖
釐壹毫發過銀肆千玖百捌拾伍兩柒錢貳釐壹毫玖絲又
修建天妃閘工允估銀貳萬捌千貳百肆拾貳兩玖錢肆分
玖釐貳毫肆絲發過銀壹萬伍千兩以上各工見在興修陸
續找發銀兩修完另行報銷又王家口等處估釘排椿因臨

題

河鑿柴竝估建石工亦屬堅固則前估排椿節省停止已經
報在案所有員外郎王登魁等領修夏家橋排椿銀壹千兩
已經繳庫又修防挑水壩

題

明借動銀貳千兩應俟追出金玉璧捐銀還項原任巡撫衛
既齊運料河未完動用銀柒百陸拾貳兩應於衛既齊家屬
照追還項以上共止算發過銀貳拾伍萬肆千柒百陸拾叁
兩玖錢伍分叁毫陸絲伍忽叁微玖纖合續

題

各工通共發過銀叁拾叁萬貳千柒拾叁兩肆錢陸分柒絲
伍忽叁微玖纖計應存庫銀叁拾貳萬捌千肆百柒拾叁兩

參錢陸分肆釐捌毫玖絲肆忽伍微內各分修督撫及學道
廳員透領未及繳節省並李雯等透領石工銀兩等項應繳
銀肆萬柒千伍百柒拾伍兩壹錢壹分貳釐肆毫陸絲陸忽
捌微玖纖內原任總督朱弘祚應繳透領銀貳千壹百伍拾
捌兩陸錢伍分原任巡撫江有良應繳透領銀肆千伍百肆
拾伍兩參錢壹分伍釐貳毫貳絲肆忽原任總漕馬世濟應
繳透領銀捌千肆百貳拾柒兩玖錢伍分玖毫肆絲貳忽肆
微原任巡撫線一信應繳透領銀柒千陸百伍拾柒兩壹分
肆釐參毫捌絲陸忽原任巡撫宮夢仁應繳透領銀肆千陸

百貳拾貳兩壹錢伍分陸釐伍毫柒絲陸忽原任巡撫陳汝
器應繳透領銀參千伍百伍拾玖兩伍分玖毫伍絲原任巡
撫衛既齊應繳透領銀壹千貳百柒拾玖兩伍錢柒分玖絲
原任學道劉謙吉應繳透領銀參千肆百肆拾伍兩肆錢肆
分柒釐陸毫原任學道史陸輿應繳透領銀壹千參百玖拾
參兩陸錢參分捌釐壹毫捌絲肆忽原任學道岳宏譽應繳
透領銀壹千柒百參拾參兩貳錢玖釐伍毫伍絲肆忽原任
學道陸鳴珂應繳透領銀貳千參百玖拾柒兩壹錢貳分玖
釐貳毫伍絲肆微玖纖候補知府李雯等應繳透領石工銀

伍千叁拾兩陸錢捌釐貳毫原任同知劉光業等應繳節省銀壹千陸拾捌兩伍錢柒釐貳毫貳絲原任通判孫調萬應繳透領銀貳百伍拾陸兩捌錢陸分肆釐貳毫玖絲實存銀貳拾捌萬捌百玖拾捌兩貳錢伍分貳釐肆毫貳絲柒忽陸微壹纖又收原任左都御史董訥餘外節省銀伍百壹拾叁兩玖錢玖分貳釐玖毫伍絲又收鄧之琮賠還壩工舊土銀壹百肆拾陸兩壹錢陸分見實存銀貳拾捌萬壹千伍百伍拾捌兩肆錢伍釐叁毫柒絲柒忽陸微壹纖其透領未繳銀兩係旗人行該旗都統係漢人行該省巡撫照追解還清項

等因冊詳前來臣覆覈無異除原冊送部查覈外相應具疏題銷伏乞

皇上睿鑒勅部覈銷施行等因康熙肆拾壹年陸月初貳日題本月拾玖日奉

旨著察覈該部知道欽此欽遵於陸月貳拾日抄出到部該臣等議得河道總督張鵬翮疏稱高堰等處臨湖鑲柴加幫裏戩堤工完竣將實用及節省銀兩造冊奏銷等因前來查小黃莊等處鑲柴及幫堤工程先經尚書范承勳等裁減土方埽料等銀肆拾玖萬捌百兩零奏明在案今通共告竣共用銀

陸拾貳萬貳千陸百柒拾叁兩陸錢伍分零前後通共裁減
并節省銀陸拾陸萬伍百肆拾陸兩捌錢貳分零該工既經
總河張鵬翮總漕桑格會勘合式完竣應將用過銀兩准其
開銷至高承爵領築高澗大壩餞工未完應作速催完造冊
題銷又疏稱節省銀兩內武家墩等處加高柴工并餞築月
堤秦家高岡等伍工共用過銀柒萬柒千叁百玖兩伍錢零
並無浮冒林家西等處創建石工并修高堰高澗六安溝龍
門壩天妃閘等石工發銀貳拾伍萬貳千壹兩玖錢零工完
題銷又修防挑水壩借動銀貳千兩應俟追出金玉璧捐銀

還項衛既齊及各員未完透領等銀肆萬捌千叁百叁拾柒
兩壹錢零應照追還項實存銀貳拾捌萬捌百玖拾捌兩貳
錢伍分零等語查武家墩等處加高柴工并餞築月堤及秦
家高岡等伍工該督既稱委無浮冒應准開銷其林家西等
處工程撥發銀兩應俟工完題銷之日查覈至金玉璧捐銀
已經行旗追取衛既齊及各員未完銀兩應行該督作速追
完報部實存高堰大工節省銀貳拾捌萬捌百玖拾捌兩貳
錢伍分零又董訥繳還節省及卸之琮賠還壩工銀共陸百
陸拾兩壹錢伍分零俱貯庫爲河工之用可也康熙肆拾壹

年閏陸月拾壹日題本月拾肆日奉

旨依議

兵部尚書兼都察院右都御史總督河道提督軍務臣張鵬翮謹
題為亟修烟墩越隄以保工程以衛城社民生事該臣看得桃

源城西烟墩埽工夙稱險要今年黃水大長積至貳拾肆日
不消大溜直射堤根甚為危險臣在安東工次聞報即星夜
遄往督率河官竭力搶護已下埽樓岨見在釘椿套埽期保
無虞隨據桃源士民喬世楨等呈稱烟墩堤下近城有越堤
一道年久殘缺應加築高寬既可保護險工又可捍衛城池
等語臣即率河官親勘形勢果於河工民生兩有裨益但舊
越堤止築近城一半年久殘缺卑薄而臨湖一帶地勢低窪

之處必接築堤工與越堤相連方可包固險工捍禦有資約估加幫越堤長伍百柒拾捌丈接築堤工長伍百玖拾叁丈約共需帑壹萬玖千肆百肆拾捌兩零因水大未消工程關係緊要照例動帑委桃源縣知縣杜學林等尅期興修另疏題估外所有應修越堤情形理合

題明伏乞

皇上睿鑒勅部迅履施行等因康熙肆拾壹年閏陸月拾陸日題
柒月初叁日奉

旨工部速議具奏欽此欽遵於柒月初叁日抄出到部該臣等議得河道總督張鵬翮疏稱桃源城西烟墩埽工夙稱險要今年黃水大長不消大溜直射堤根甚爲危險臣聞報星夜遄往督率河官竭力搶護已下埽樓崖見在釘椿套埽期保無虞據士民喬世楨等呈稱烟墩堤下近城越堤年久殘缺應加築高寬既可保護險工又可捍衛城池臣親勘果於河工民生兩有裨益但舊越堤年久殘缺卑薄而臨湖低窪之處必接築堤工與越堤相連方可包固險工捍禦有資約估加幫越堤接築堤工共需帑壹萬玖千肆百肆拾捌兩零工程關係緊要照例動帑興修另疏題估等因前來查該督既稱

烟墩埽工黃溜直射險危請將堤下近城越堤加幫并接築
堤工可以保護險工并捍衛城池等語應如所題速行幫築
其需用錢糧細數確估具題可也康熙肆拾壹年柒月初伍
日題本月初拾日奉

旨依議速行

兵部尚書兼都察院右都御史總督河道提督軍務臣張鵬翮謹
題爲亟請加幫卑矮堤工事該臣看得山陽黃河南岸老壩口

起至小車路口止縷堤卑薄堤外原有淤灘可恃今據淮揚
道叅議王謙詳稱近因黃水大漲溜走南岸淤灘刷去危險
堪虞亟宜加幫高厚以資保固計工長壹百叁拾玖丈估用
土方銀壹千玖拾貳兩陸分委無浮冒造具估冊并請發帑
興修前來臣覆核無異不另請撥錢糧因水大工程緊要除
動支高堰大工節省銀兩給發外河同知南夢班等幫築并
原冊送部查覈外相應具

題伏乞

皇上睿鑒勅部議覆施行等因康熙肆拾壹年閏陸月貳拾陸日
題柒月拾貳日奉

旨工部速議具奏欽此欽遵於柒月拾叁日抄出到部該臣等議
得河道總督張鵬翮疏稱山陽黃河南岸老壩口起至小車
路口止縷堤卑薄堤外原有淤灘可恃近因黃水大漲溜走
南岸淤灘刷去危險堪虞亟宜加幫高厚以資保固工程壹
百叁拾玖丈估用土方銀壹千玖拾貳兩零動支高堰大工
節省銀給發外河同知南夢班等幫築等因前來查該督既

稱黃水大漲溜走南岸老壩口起至小車路口止縷堤卑薄
危險可虞亟應加幫等語應如所題速行幫築工完將用過
銀兩覈減造冊題銷可也康熙肆拾壹年柒月拾伍日題本
月拾捌日奉

旨依議速行

兵部尚書兼都察院右都御史總督河道提督軍務臣張鵬翮謹
奏爲欽奉

上諭事康熙肆拾壹年陸月拾捌日於歸仁堤勘工處所接准內
閣移文內開內閣移咨總河張鵬翮康熙肆拾壹年陸月初
叁日大學士伊桑阿馬齊張玉書吳琬熊賜履學士來道常
壽鐵圖紀爾塔渾王九齡曹鑑倫劉光美等奉

上諭朕因永定河南岸不時衝坍特旨令將南岸修築石堤看來
甚有裨益今黃河兩岸自徐州以下至於清口通行修築石
堤可否永遠有益若果有益見在國帑不爲缺少朕於錢糧

一無所惜修築此堤應於何處採取石料作何轉運約幾年可以告成著張鵬翮齊集河員詳議具奏等因爲此移咨等因到臣欽此仰見我

皇上仁德如天欲河定民安萬世永賴之盛心也臣以事關重大隨調集衆河官詳議咸稱堤岸建修石工必得地基堅實釘椿砌石始有捍禦之資若黃河水性無常遷徙靡定沙土虛鬆險工之處水深參肆又不等難以釘椿若另築越堤修砌石工而臨河險工每年歲修仍不可廢恐致重費錢糧若棄險工而不修異漲之水勢若排山又恐石工有坍塌之虞即

如高堰土性堅實從前所修龍門大壩等石工尚有坍塌之虞况黃河鬆虛之地乎故黃河止有徐州之郭家嘴清河之惠濟祠綠山根土岡量修石工其餘兩岸並未通行興修誠以土有虛實之不同也且委員查勘黃河自清口至徐州南岸長陸萬陸千柒百零壹丈伍尺約需銀壹千貳百柒拾捌萬伍千玖百陸拾兩伍錢零北岸除山岡不修堤外計長伍萬肆千參百玖拾捌丈貳尺約需銀玖百玖拾玖萬柒百陸拾貳兩伍錢零工巨費繁曠日持久錢糧易致花費告成難以豫料臣等愚昧所以未敢輕爲擬議伏惟我

皇上聖明天縱治河方略咸荷

聖謨指授乃克底績臣等識見卑陋實無補於涓滴謹將黃河兩岸土性虛鬆遷徙靡常情由據實

奏明其應否修砌石工之處伏候

睿裁爲此具摺由內閣轉

奏

兵部尚書兼都察院右都御史總督河道提督軍務臣張鵬翮謹題爲亟請加築越堤以資保固險要工程事該臣看得今歲自伏汛以來水勢大漲情形曾經

題報在案今據淮揚道叅議王謙詳稱山陽外河韓尹貳莊素稱險要茲值水長逾月堤根浸虛又被洪濤衝擊埽個墊陷堤岸坍塌危險堪虞見今日夜竭力搶護務期保固但水勢甚大不得不多方預防查該工堤裏有運料河堤卑矮難恃且兩頭原無格堤接連縷堤急應加築寬厚作爲越堤以爲重門之障貳共工長捌百捌拾丈又幫築韓家莊壩臺工長

捌拾丈約估工料銀壹萬陸千陸百餘兩等因前來臣親勘無異因水大保固險工關係甚爲緊要照例動帑給發外河同知南夢班等上緊興修一面確估造冊另疏具

題外謹將工程緊急照例先行發帑興築情由具疏

題明伏乞

皇上睿鑒迅賜施行等因康熙肆拾壹年柒月初貳日題本月拾

捌日奉

旨工部知道欽此欽遵於柒月拾玖日抄出到部該臣等議得河

道總督張鵬翮疏稱山陽外河韓尹貳莊素稱險要茲值水

長逾月堤根浸虛又被洪濤衝擊埽個蟄陷堤岸坍塌危險堪虞見今日夜竭力搶護務期保固但水勢甚大不得不多方預防急應加築越堤以爲重門之障工長捌百捌拾丈又幫築韓家莊壩臺長捌拾丈約估銀壹萬陸千陸百餘兩因關係緊要照例動帑給發外河同知南夢班等上緊興修一面確估另疏具題等因前來查埽個蟄陷堤岸坍塌之處應著令經防各官作速賠修完固其韓尹貳莊既稱應加築越堤幫築壩臺等語應如所題速行幫築所需工料銀兩確估具題可也康熙肆拾壹年柒月貳拾捌日題捌月初伍日奉

旨依議速行

兵部尚書兼都察院右都御史總督河道提督軍務臣張鵬翮謹
題為恭報微臣勘明黃運兩河水勢漸消隄防保固仰慰

聖懷事竊照今年伏汛水勢大長甚久已於恭報伏汛水勢情形
疏內

題明在案詎意

題報後水勢猶復浸長黃河兩岸之烟墩車路口韓家莊童家
營鄭家馬頭二塘王家堂戚字堡狼矢溝雞嘴壩顧家莊等
處險工屢報危險又高家堰湖水積長於閏陸月貳拾叁肆
至柒月拾肆等日常起西風大暴巨浪拍擊堤岸處處報險

臣四下奔馳親督各汛官晝夜竭力搶救幸獲無恙但積水難消堤根浸虛風浪撞擊在在堪虞正在籌畫宣洩之際見惠濟祠下黃水漸落參肆寸從此各汛亦報漸消據山安同知裴陳佩報稱閏陸月貳拾陸日大通口下貳拾餘里有西礪汛之臧家溝值黃水頂衝漫開約參百餘丈河流不移探看水勢分支由運料小河陸拾里直出海口分洩黃溜以致水勢漸消而各處險工得保無虞臣聞報遄往查勘臧家溝以下俱係一片蘆蕩溢出水由運料河至八灘會同正河入海查此處在大通口下原屬海濱曠衍無關運道民生乃

先年宣洩黃流入海之處原無堤工自前河臣靳輔因黃淮未會故創築縷堤水大聽其漫溢水落仍復歸漕於工程絕無妨礙查舊案內靳輔曾云河道大壞之時非築堤不能束水河道已俱寬深此堤雖有坍塌亦屬無礙等語今淮黃會流通暢兼之今年水勢異漲大通口以下堤岸逼窄實難容納正可仍留此處口門宣洩異漲以保上源各處險工俟水落淤淺再行相度形勢或堵或流酌議奏

聞臣勘馬家港口門漸淤全黃盡趨大通口寬濶深暢八灘以下

海口積沙盡去極其深通復勘烟墩等工各官奮力搶護見

在平穩運河工程亦俱保固平穩高家堰陸壩一帶工程遇有汕刷隨即修補平穩前疏內

題明宣洩異漲之鮑家營茆良口天然壩清水溝等口門俱可暫停開放其下河一帶稻禾成熟民居晏然臣所遍歷之處據土人咸稱今年水勢大過參拾伍年幸賴

聖主軫念民生指授治河方略精詳周至以致河底深通堤岸堅固小民獲享盈寧感頌

皇恩歡聲遍野除秋汛情形至期照例另疏題報外臣思我

皇上仁德如天無時不以河工爲念所有目前微臣勘明水勢漸消隄防保固情形理合具疏報

聞恭慰

聖懷伏乞

皇上睿鑒施行等因康熙肆拾壹年柒月貳拾貳日題捌月初捌日奉

旨該部知道欽此欽遵於捌月初玖日抄出到部該臣等議得河道總督張鵬翮疏稱伏汛水勢大長甚久於恭報伏汛後猶復浸長黃河兩岸烟墩車路口等工處處報險臣四下奔馳

晝夜搶救幸獲無恙但積水難消堤根浸虛正在籌畫宣洩見惠濟祠下黃水漸落從此各汛亦報漸消大通口下有西礪汛之減家溝值黃水頂衝漫開由運料小河直出海口查勘減家溝以下俱係蘆蕩原屬曠衍無闕運道民生今淮黃會流通暢兼水勢異漲大通口以下岸窄難容可仍留此口門宣洩以保上源各處險工俟水落淤淺再相度形勢或堵或留酌議奏

聞烟

墩等工運河工程高家堰陸壩工程俱修補平穩等因前來查烟墩等處工程既稱俱保固平穩毋容議至減家溝先經

該督疏稱漫溢過水參百餘丈俟水落堵築臣部覆令即行賠修完固將疎防各官題叅在案減家溝等處地方向築縷堤東黃水由大通口入海衝開參百餘丈應即令賠修今該督既稱俟水落相度形勢或堵或留酌議奏

聞等語

應俟具題到日再議至疎防各官仍行該督題叅可也康熙肆拾壹年捌月貳拾肆日題本月貳拾陸日奉

旨依議

題

兵部尚書兼都察院右都御史總督河道提督軍務臣張鵬翮謹
題爲恭報秋汛水勢情形事該臣看得今年秋汛黃運湖河水
勢情形據各廳呈報黃河自徐州以至海口加長陸尺肆寸
及叁尺玖寸不等然皆漸次消落兩岸歲搶工程相機修防
俱各平穩馬家港前此水深數丈今已淤平黃水盡由大通
口暢出海口極其深通其大通口迤下之臧家溝漫水今由
高門港口門歸入正河入海中河之水由鹽河及劉老澗減
壩分洩淮揚運河之水由涇澗人字芒稻等河分洩各處工
程俱皆修防平穩歸仁堤工程亦俱防守平穩高家堰及陸

壩工程遵

旨加謹保固畫地防守隨時搶修隄防俱保固平穩其高承爵承
修高澗大壩未完工程見在嚴催修理如再遲延另疏

題

報天然貳壩竟未開放扶淮水使強暢出清口以敵黃水大
長之勢今伏秋貳汛黃淮並漲大過參拾伍年之水賴有批
水壩加築寬長逼黃河大溜直趨陶莊引河循北岸而行引
河首尾刷成大河故清水得以暢出黃水絕無倒灌之虞立
大墩一望滿河皆屬清水惟見一線黃流河濱土著耆老嘆
以爲從古未有今年入夏始而雨水連綿繼而水勢大長幸

河道深通水由地中行即如高寶興泰等處最稱窪下俱得
田禾收穫民居晏安黃童白叟感頌

聖主盛德豐功拯救數百萬生靈出昏墊而登樂土歡聲雷動遍
於郊原此皆我

皇上指畫精詳

聖謨獨斷乃克臻此所有秋汛水勢情形理合具疏

題報伏乞

皇上睿鑒施行等因康熙肆拾壹年玖月初陸日題本月貳拾日
奉

旨覽奏挑水壩築成逼黃河大溜直趨陶莊引河循北岸而行黃水從大通口暢出海口極其深通淮水從清口暢流敵黃絕無黃水倒灌之患高家堰堤工完固加謹防守經伏秋大漲俱獲平穩運河水由涇河澗河人字芒稻等河分洩各處工程亦皆保固知道了該部知道。

兵部尚書兼都察院右都御史總督河道提督軍務臣張鵬翮謹

題為欽奉

上諭事康熙肆拾壹年伍月貳拾日准工部咨開都水清吏司案

呈查得總河張鵬翮咨稱運料河堤應追缺少土方并王公堤排椿核減銀兩迄今尚未完解據淮揚淮徐二道詳稱御史廖騰燧條陳追賠河工銀兩定限半年原指漫缺賠修工程而言此行追未完缺少土方竝核減銀兩應照承追襍項錢糧之例行追相應咨達等因前來查定例內堤岸冲決河流不移者將管河各官俱革職戴罪勒限半年賠修分司道

官俱各降四級督賠應賠銀兩亦照賠修之例處分等語未完缺少核減等銀俱係應賠銀兩廖騰燧條奏甚明應行該督仍照新例扣追如限滿不完照例題叅可也為此合咨前去查照施行等因到臣准此當行各該道遵照去後今據淮揚道叅議王謙准徐道僉事張弼會詳到臣據此該臣看得承追河工銀兩應照雜項錢糧例扣限經臣咨明工部續准部議仍照新例扣追等因移咨到臣隨行准揚淮徐二道轉飭遵照行追去後今據淮揚道叅議王謙准徐道僉事張弼詳稱承追之員原與承修之員不同伏查

定例堤岸冲决河流不移管河各官戴罪賠修工完開復限內不完則將承修各官分別降革未完工程仍令賠修又云應賠工程勤帑修葺者甚多將此應賠銀兩亦照賠修之例勒限處分等語細繹例意原指承修之員而言即如康熙肆拾壹年叁月內直隸巡撫李光地

題叅大興縣知縣王廷聘承追劉文燦應賠銀兩又限滿無完部議照襍項錢糧未完例降俸貳級勒限督催是承追之員不同於承修之員明矣案查河工一切應追銀兩咎在欠帑之人均與現任道廳無涉前經咨達工部照雜項錢糧例行

追正與議處王廷聘之案相符未經部准今查河官駐宿工所較之地方有司安坐衙署者不同每遇桃伏秋汛搶救工程冲風冒浪寢食不遑若併責之追比逋欠勢難分身一經違限概照新例處分官如傳舍人盡寒心惟有尸位半年坐待叅革無論欠帑終無完日切恐工程亦與俱悞且同一應賠之銀同一承追之員劉文燦一案在大興縣知縣王廷聘已照雜項錢糧之例議覆奉

旨依議欽遵在案則承追河工一切銀兩應援王廷聘之例均照不作十分之雜項錢糧一例勒追於理允協請

題為例等因前來臣查河工承追銀兩自改一年為半年之限時日迫促欠帑者措辦不及承追之官徒添處分之累究於帑項無裨合無仍照一年之例歲月寬舒欠帑者易於措湊完交倘有違限無論河員州縣俱照雜項錢糧例議處例限畫一可杜推議之弊臣謹具疏

題請伏乞

皇上睿鑒勅部議覆施行等因康熙肆拾壹年玖月初陸日題本月貳拾貳日奉

旨該部知道

兵部尚書兼都察院右都御史總督河道提督軍務臣張鵬翮謹
奏為仰賴

聖謨河工底績恭請

睿裁指示善後機宜事欽惟我

皇上勵精圖治中外敕寧

聖德神功亘古莫並獨有河工一事每厯

睿慮念

國計民生攸係

親臨閱視洞悉原委區畫精詳

宸衷獨斷指授方畧盡拆攔黃壩以通海口加築挑水壩開陶莊
引河以導黃流北行加培高堰堵築陸壩以束淮敵黃挑張
福口裴家場張家莊等引河以暢淮流修築歸仁堤堤河閘
座以節宣睢水加築黃河堤岸以固隄防堵邵伯更樓等口
以利轉輸塞時家馬頭以杜黃水旁溢修理運河兩岸排椿
濬深運河改修中河以利漕運疏人字芒稻河涇澗等河以
洩運河異漲之水挑海溝蝦鬚等河以洩下河積水新建高
郵南關車邏等處滾水壩以資蓄洩開王家營減壩挑盩河
以洩清黃異漲之水完戚字堡等引河逢灣取直以分水勢
一應緊要工程次第修理俱已完畢今歲伏汛大水黃淮並
漲逾月不消水勢大過參拾伍年依然隄防保固淮水敵黃
海口通暢目今運道深通民田耕獲黃童白叟感戴

天恩咸頌

聖主天縱神智又不惜數百萬帑金治河底績拯救億萬生靈出
昏墊而安樂土歡聲如雷洋溢郊原此皆我

皇上睿慮周詳

聖謨獨斷燭照於事前符驗於事後

德同天地

功邁百王誠萬世永賴之偉績也微臣自慚學識淺陋前此治河工程皆荷

皇上指示今工程修畢經過大水之後一切善後機宜伏乞皇上親臨指示不特微臣知所遵循即東南黎庶亦得遂瞻天仰

聖之望矣臣謹具疏繪圖差淮徐道張弼同知李梅恭呈御覽伏候

聖裁等因康熙肆拾壹年玖月拾伍日題拾月初伍日奉旨已有諭旨了該部知道繪圖併發

河圖總說

欽惟我

皇上德侔天地澤被寰區武功著定文德覃敷功化之隆亘古莫比其盛河工一事猶塵

睿慮今仰賴

聖謨平成底績方略周詳名言莫罄臣謹攷黃河自崑崙歷雍豫兗徐至淮之清口會淮而入海淮瀆自洛及鳳歷盱泗至清口會黃而入海是清口爲河道之關鍵也但黃勢恒強而淮勢恒弱必有以抑其強而扶其弱乃資其利自前河臣誤築

攔黃壩而海口淤塞陸壩潰決而淮水東注二瀆不交
國計民生俱受其敝矣我

皇上天縱神智軫恤民生

三巡河道洞悉形勢

宸衷獨斷

指畫精詳如拆攔黃壩以通海口築挑水壩濬陶莊引河以疏黃
流開張福口裴家場等河以導淮水加培高堰堅築陸壩以
束淮敵黃而淮黃交會矣濬運河增漕隄而運道安開人字
芒稻等河引水注之江濬涇澗海溝蝦鬚等河引水注之海

而下河治其他疏築工程具有成效而最要者在清口大閘
黃淮交會雖遇伏秋異漲依然清淮暢出逼黃遠避絕無倒
灌順軌安流淮揚一帶黃童白叟歡欣鼓舞感頌

皇仁謂爲數十年來所未有此皆我

皇上睿謀深遠

聖慮精微臣愚惟有潔已奉公殫力河干以凜遵

成算而已茲值工完理合繪圖恭呈

御覽

兵部尚書兼都察院右都御史總督河道提督軍務臣張鵬翮恭

進

兵部尚書兼都察院右都御史總督河道提督軍務臣張鵬翮等謹

題爲擬呈代

題恭請

聖駕來春早臨河工以慰臣民顛望事擬文華殿大學士兼禮部尚書致仕張英原任福建巡撫宮夢仁日講官起居注翰林院侍讀學士史夔翰林院編修吳世燾翰林院庶吉士劉師恕原任右春坊右諭德兼翰林院修撰楊大鶴翰林院庶吉士周彛翰林院編修顧圖河翰林院庶吉士徐昂發候補僉事道程兆麟原任吏部文選清吏司郎中劉始恢原任山東

提學道劉謙吉原任山東提學道陸鳴珂原任陝西提學道
陸德元原任湖廣提學道岳宏譽原任福建提學道史陸輿
原任福建提學道汪薇候補主事李清仁候補刑部主事程
兆彪原任工部屯田司主事劉愈原任福建延平府知府張
楷原任浙江麗水縣知縣賈其音原任浙江台州府同知連
璧原任內閣中書舍人李時震原任直隸故城縣知縣許國
璠原任浙江嘉興縣知縣許肇起原任直隸贊皇縣知縣成
永健原任廣東英德縣知縣劉洛中原任河南夏邑縣知縣
張豹進士杜光先史泓許迎年舉人高天驥喬崇烈丘聞衣
張千來張湛蔡公錫蔡曰芝等呈爲

聖駕臨視河工以慰臣民顛望事

皇上

堯仁溥被

禹智旁周

文德武功亘天彌地含生負氣食福飲醇惟茲淮揚一路頻罹
水沴上塵

聖懷

法駕三臨指授方畧不惜萬億帑金拯此一方民命諸如建挑水壩開陶莊引河使黃流不致倒灌關清口拆攔黃舊壩使二瀆得以歸墟上河治則下河自治莫如隄障洪湖清流出則濁流自通惟在堅閉陸壩濬人字芒稻等河以疏入江之路塞卻伯更樓諸口以收轉漕之功大挑運河去二十年之淤墊堅築歸仁灑數百里之漫流下及涇澗蝦鬚諸河無不通利商民兩便田廬俱復桑麻被野童叟歡呼此皆我

皇上愛民之周憂民之至心叅造化手畫平成之所致也昨蒙具

疏恭請

聖駕閱視河工指授善後方畧英等不勝歡忭迎至宿遷見所在

紳衿百姓無不踴躍欣感翹首

雲霄伏聞

聖駕未即臨幸老幼提携叩顙瞻

天忱悃殷切懇乞代爲

題達恭請

聖駕來春早臨河工以慰輿情瞻仰蟲魚草木待

鑿輅而春回父老人民覩

翠華而雷動等情又據淮揚貳府各州縣士民陸權韓文挺于廷
諫張國瑞張敬李自明韓邦佐李長年楊天培楊起先余仲
林余祥白華徐子觀金朝興殷士貴葉起管章張東曉等公
具呈爲

聖恩弘敷萬民感謝懇賜代

題請

駕南幸以慰輿情事切惟黃淮貳瀆自古爲患數年以來疊被水
災幸蒙我

皇上德邁唐堯功高神禹軫念民生頻蠲租賦三次

親閱河工指授方畧不惜數百萬帑金堅堵陸壩大闢清口東淮
刷黃海口深通河流順軌水不旁溢歷來沉沒之田盡獲耕
種巨浸澤國一旦變爲膏腴萬姓樂業永奏平成今蒙恭請

聖駕親臨閱視再授善後方畧民生慶幸市野歡騰茲聞

聖駕未即臨幸環謝下情未能上達瞻

天仰

聖之心翹望愈切爲此虔叩軫念輿情准賜

題請恭迎

聖駕早幸江南以遂萬民欣覩

天顏之願等情又擬河工効力內閣學士兼禮部侍郎張榕端翰
林院侍講張希良翰林院侍讀學士史夔候補左春坊左諭
德鄭開極原任詹事府少詹事邵遠平候補僉事道程兆麟
原任貴州布政司王毓賢原任山東提學道劉謙吉原任湖
廣岳常道姚淳燾原任山東提學道陸鳴珂原任陝西提學
道陸德元原任湖廣提學道岳宏譽原任福建提學道史陸
輿原任福建提學道汪薇工部屯田司郎中丁易原任員外
達古禮工部郎中王進楫工部員外王登魁候補刑部主事
程兆彪候補中書科中書張百行候補內閣中書楊守志候
補內閣中書楊穆候補知府李燮候補知府傅澤洪原任同
知夏宗堯原任同知連璧等恭請

聖駕閱視河工懇賜代

題以慰臣工瞻仰事欽惟我

皇上德邁唐堯功高神禹念淮揚貳郡頻罹水患不辭勞苦參次
親臨河工相度情形指授方畧不惜帑金數千百萬拯此一方之
民建挑水壩開陶莊引河闢清口疏海口閉陸壩培高堰挑
運河築歸仁堤浚人字芒稻等河

國計民生萬世永賴皆係

睿算所周亘古軼今史冊罕親向蒙恭請

聖駕親臨閱視指授善後事宜江淮之間歡聲雷動至榕端等望
日瞻雲尤爲迫切不啻百谷之仰膏雨草木之被陽春茲聞
聖駕未即臨幸瞻望微忱未能上達爲此公懇代

題恭請

鑿輿於春陽和煦之時早臨河工以慰瞻

天仰

聖之意各等情到臣等據此該臣等會看得據江南鄉紳致仕大
學士張英等士民陸權韓文挺等効力河工官員張榕端等

呈稱我

皇上

堯仁溥被

禹智旁周

文德武功亘天彌地含生負氣食福飲醇惟茲淮揚一路頻罹
水沴上塵

聖懷

法駕三臨指授方畧不惜萬億帑金拯此一方民命諸如建挑水
壩開陶莊引河使黃流不致倒灌闢清口拆攔黃舊壩使二

瀆得以歸墟上河治則下河自治莫如隄障洪湖清流出則
濁流自通惟在堅閉陸壩後人字芒稻等河以疏入江之路
塞邵伯更樓諸口以收轉漕之功大挑運河去二十年之淤
墊胥築歸仁灑數百里之漫流下及涇澗暇鬚諸河無不通
利商民兩便田廬俱復桑麻被野童叟歡呼此皆我

皇上愛民之周憂民之至心恭造化手畫平成之所致昨聞
聖駕閱視河工再授善後方畧臣民無不踴躍欣感翹首

雲霄伏聞

聖駕未即臨幸老幼提携叩顙瞻

天忱悃殷切叩懇代爲

題達恭請

聖駕來春早臨河工以慰輿情等因前來臣等見江南臣民感戴
天恩顙望

聖駕來春早臨河工共伸瞻覲之誠情詞懇切不敢壅於

上聞謹會同江南江西總督臣阿山總漕臣桑格江寧巡撫臣宋
犛安徽巡撫臣喻成龍具疏

題達伏乞

皇上睿鑒施行等因康熙肆拾壹年拾月拾陸日題拾壹月初柒

日奉

旨知道了該部知道

兵部尚書兼都察院右都御史總督河道提督軍務臣張鵬翮謹
題為估挑高郵河道以利運行事擬淮揚道叅議王謙詳擬揚
河通判楊兆僑等詳稱高郵界首迤下一帶河道向年湖河
相連水勢甚大故上年挑挖山清寶應運河之時未曾挑浚
今陸壩久閉高寶湖水消落運河水勢平緩上流所刷之沙
聚積下流平緩之處河底淤澱恐重運未能利涉亟應挑挖
一律深通以利迤徃今自高郵界泥甸橋起至永安南裹頭
止應挑河長肆千玖百柒拾伍丈兩頭築壩估挑面寬捌丈
底寬肆丈深以壹丈為度又上源運口攔河壩一道共估土

方工料銀貳萬肆千壹百玖拾捌兩捌分叁釐伍毫並無浮
冒相應造冊詳送等因到道據此該本道看得運河爲糧艘
經由要津山清寶應河道自惠濟祠後起至界首止已於康
熙叁拾玖年內蒙

題

估發帑挑挖工完現今寬深其界首迤下一帶河道向因湖
河相連水勢甚大故未挑浚今陸壩久閉高寶湖水消落運
河水勢平緩上流所刷之沙聚積下流平緩之處河底淤澱
恐重運未能利涉亟應挑挖一律深通以利漕往今據揚河
通判楊兆僑等詳稱高郵界泥甸橋起至永安南裹頭止應

挑河長肆千玖百柒拾伍丈估挑面寬捌丈底寬肆丈深以
壹丈爲度及兩頭煞壩并上源運口築攔河壩一道共估土
方工料銀貳萬肆千壹百玖拾捌兩捌分叁釐伍毫並無浮
冒等因前來本道覆核委無浮冒相應照造轉詳查挑挖運
河關係緊要應請

題

估一面發帑委員募夫於回空糧船過完作速興挑等因到
臣據此該臣看得運河爲漕艘經由要津山清寶應河道自
惠濟祠後起至界首止已於康熙叁拾玖年內經臣

題

估發帑挑挖工完現今沖刷寬深其界首迤下一帶河道向

年湖河相連水勢甚大故未挑浚今陸壩久閉高寶湖水消
落運河水勢平緩上流所刷之沙聚積下流平緩之處河底
未免淤澱恐重運未能利涉亟應挑挖一律深通以利遠徃
茲據淮揚道叅議王謙詳稱高郵界泥甸橋起至永安南裏
頭止應挑河長肆千玖百柒拾伍丈估挑面寬捌丈底寬肆
丈深壹丈並兩頭煞築攔河壩共估土方工料銀貳萬肆千
壹百玖拾捌兩捌分叁釐伍毫委無浮冒等因冊詳前來臣
覆核無異查挑挖運河關係緊要隨動支高堰大工節省銀
兩給發揚河通判楊兆僑裡河同知王英謀等率汛員於回

空糧船過完作速閉壩挑浚一切進

貢及差使官兵船隻仍照前過壩者聽其過壩起旱者即行起
旱不得擅自開放俟來年新運糧船到時啟壩開行除委淮
揚道王謙監工督催并原冊送部查核外相應具疏

題估伏乞

皇上勅部迅賜議覆施行等因康熙肆拾壹年拾壹月拾陸日題
拾貳月初伍日奉

旨界首以下運河若極其淤淺有礙漕運即照所題挑浚如漕船
尚屬可行則挑浚著停止將此項銀兩留於緊要工程動用

該部知道欽此接工部移咨到臣該臣看得界首以下河道
康熙叁拾玖年因湖水相聯水大未能挑挖今六壩堅閉高
郵湖水消落運河流緩沙停江西湖廣糧船身重入水更深
不無淺澀盤剝仍應遵

旨挑挖深通以利糧艘過行查前估計銀貳萬肆千壹百玖拾捌
兩零今相度情形飭令廳汛各官加意節省銀壹萬貳百叁
拾肆兩零嚴催承挑人負晝夜疾瘳已於拾貳月貳拾陸日
完工貳拾捌日開壩放水理合具摺

奏明伏乞

皇上睿鑒施行為此具摺專差候補僉事道程兆麟賫捧謹具奏
聞等因康熙肆拾貳年正月初壹日

奏



白

